

摘藻堂四庫全書薈要

子部

欽定四庫全書薈要

子部

御定淵鑑類函卷三十九



欽定四庫全書薈要卷一萬一千四百八十七

子部

御定淵鑑類函卷三十九

地部十七

渭 涇 昆明池  
漕河

渭一

春秋說題辭云渭之為言布也渭渭流行貌 尚書

曰導渭自鳥鼠同穴東會于澧又東會于涇又東過漆沮入于河 周官雍州其浸渭洛為關中三川周幽王時三川震是也與涇渭灞澹滂澇滴澧瀉為八水案水經注

及山海經注渭水出隴西首陽縣鳥鼠同穴山東北過狄道縣南上邽縣北陳倉縣南武功縣北槐里縣南與澇澧二水合東至高陵與涇水合又與漆沮水合經秦漢之都至潼津而入河也 增河圖曰鳥鼠同穴山地

之幹也渭水出其中 辛氏三秦記曰龍首山長六十里頭入渭水尾達樊川高二十丈云昔有黑龍從南山出飲渭水其行道因成土山 史記曰秦武王三年渭水赤三日昭王十四年又赤三日 洪範五行傳曰赤



者火色蓋亦以火沴水也渭水秦大川也陰陽亂秦用  
嚴刑敗亂之象 沈約宋書曰秦漢都西京涇渭水雖  
不在祀典以近咸陽故盡得比大川之祠 雜兵志曰  
東海出氣如鼃渭水出氣如蜃

渭二

增詩曰文王初載天作之合在洽之陽在渭之涘文定  
厥祥親迎於渭造舟為梁不顯其光 史記曰太公垂  
釣於渭周西伯將獵卜曰所獲非龍非黿非熊非羆所

獲霸王之輔於是西伯獵果遇太公於渭之陽與語太  
悅 列子曰夸父逐日渴飲渭水不足乃暍死 水經  
注曰渭水石柱橋舊有忖留神像此神嘗與魯班語班  
令之出曰我貌很醜卿善圖物容我不能出班於是拱  
手與言曰出頭見我忖留乃出首班以脚畫地忖留覺  
之便還沒水故置其象於水惟背以上立水上 原三  
輔舊事云初秦都渭北渭南作長樂宮橋通二宮間表  
河以爲秦東門表汧以爲秦西門二門相去八百里渭

水貫都以象天河橫橋南渡以象牽牛漢都渭南開北

闕以臨渭渭北則陵廟所在 增史記曰文帝十二年

趙人新垣平以望氣見因說上設立渭陽五帝廟欲出

周鼎 又曰張釋之為廷尉漢文帝出中渭橋有一人

從橋下走出乘輿馬驚使騎捕屬廷尉廷尉奏此人犯

蹕當罰金 陳壽益都耆舊傳曰漢武帝時蜀張寬為

侍中從祀甘泉至渭橋有女子浴渭水乳長七尺上怪

遣問之女曰帝後第七車知我所來寬在第七車對曰

天星主祭祀者齋戒不潔則見 曹瞞傳曰操與馬超

隔渭水而戰每渡渭輒為超騎所衝突地多沙不可築  
城婁子伯說今寒可起沙為城以水灌之一宿而成

魏春秋曰諸葛亮出斜谷臨渭水司馬懿謂諸將曰亮  
若出武功依山東轉者是其勇也若西止五丈原諸君  
無事矣亮果屯渭水南原 王景暉南燕書曰姚秦皇

初三年歲在丁酉於長安渭濱得赤璽上有文字曰天  
命燕德 劇談錄曰陳季卿羈棲輦下嘗訪僧於青龍

寺遇僧他適因憩於煖閣中有終南山翁方擁爐而坐  
東壁有寰瀛圖季卿歎曰得自渭泛河濟江達於家亦  
不悔無成而歸翁乃命僧童折階前一竹葉作舟置圖  
中渭水上季卿熟視恍若登舟旬餘至家復登葉舟泛  
江至青龍寺見山翁尚擁褐而坐

### 渭三

原貫都

浸雍

上見前三輔舊事  
下見前周官

增同穴

合流

尚書

注鳥鼠共為雌雄同穴處此山故名鳥鼠同穴渭水  
出焉水經注渭與涇合流三百里清濁不相雜

性清 色赤

後周宇文道渭源詩合流應不雜方知性本清色赤見前史記

原知

星

相氣

上見前益都耆舊傳都尉北海巫炎字子都漢武帝出子都見於

葛洪神仙傳曰駙馬

渭橋上見頭上鬱鬱有紫氣高文餘帝召東方朔使相此君有何道術曰此君有陰道之術

應德

失紀

秦書曰昔二代居三河而河浴出圖書秦居渭陽而水數赤瑞異應德之效也焦贛易林曰

山崩谷絕天福盡竭

增甘誓

鎬書

水經渭水東合甘水即夏啓伐

涇渭失紀玉歷既闕

有扈作誓于甘

又渭水與鎬水合春秋後傳曰使者

鄭客至華山見有素車白馬來者曰子之咸陽願托書

致鎬池君內

原造舟

贈路

上詩見前又詩曰我送舅氏曰至渭陽何以

言祖龍死

贈之路

通橋

複道

上詳前史記曰秦始皇複道向阿房宮渡渭屬之咸陽以象

車乘黃

天極閣道絕

秦祠

漢拜

上見前沈約宋書曰文帝親拜灊渭之會以

漢書

漢抵營室也

郊見渭

晉壘

符壇

臧榮緒晉書曰諸葛亮率衆出斜谷高祖拒亮遂濟渭水背水

陽五帝

而壘

裴景仁符書曰符健至長安賈玄等上

垂釣

尊號

依舊儀立百官設壇城南於渭水之陽

投錢

上見前史記趙岐三輔決錄曰安陵清者有項仲山飲馬渭水每投三錢

增棄

脂

出碗

杜牧阿房宮賦曰渭流漲膩棄脂水也

酉

過之令侍婢以銀稜碗取水誤

原龍飲

雞翔

上見前三

墜井中經月餘碗出於渭河

秦記

裴景仁符書曰符健皇始四年冬山雞來入人

家栖宿養子而去羣聚傍渭水而游翔與家雞無異

導鳥穴

入龍山

上見尚書詳前三秦記中

出地幹

象天

河上見前河圖下

增過上邽

歷大散

水經注渭水東過上

邽縣又東北歷大散關

逕略陽

繞華陰

水經注略陽在隴右

又

曰渭水東繞

原貫甸服

浸神臯

水經渭南渭北總貫注於長安甸服

華陰縣北

也又秦漢立羣祠

橋法牛

氣如蜃

上見前三輔舊事下見

於渭傍稱神臯焉

前雜兵志

增作離宮

開北關

秦作離宮在渭水南北漢都渭南開北關以臨渭俱

見三輔記

走櫟道

通茂陵

東渭橋漢高祖造以走櫟陽之道西渭橋漢武帝造跨渭

水以通茂陵俱見水經注

原出周鼎

得燕璽

上見前史記下見前南燕書

驚輿馬

御樓船

上見前史記史大夫直言諫諍

漢書曰薛廣德為御史大夫直言諫諍元帝耐酒宗廟出



便門欲御樓船廣德當乘輿免冠曰宜從橋上乃  
從橋酈道元注水經曰渭橋秦制也亦曰便門橋

呂

釣陽

馮耕陰

上見前史記耕於驪山之阿渭水之陰廢弔問之禮

馮衍楊節賦序曰馮子

絕游官之路眇然有超  
物之心無偶俗之志

增丹幾陷

瞞乍驚

水經注曰燕太

子丹質於秦秦王遇之無禮乃求歸秦王為機欲以陷  
丹丹渡橋機不發又曰渭橋舊有付留神像董卓入

關焚此橋曹瞞更修  
之見付留像而驚之

非子主馬

文公出田

史記秦之先非

子為周孝王主馬於汧渭之間

秦築阿城

漢起上

又曰秦文公田於汧渭之間

苑

史記秦始皇三十五年作朝宮於渭南亦曰阿城也  
又曰漢武帝建元中起上林苑屬之南山亦在渭

也南

夸父渴飲

季卿圖泛

上見前列子下見前劇談錄

囊沙作

城抱鬣涉水

曹瞞傳曰瞞與馬超隔渭水而陣乃作縑囊囊沙以堙水造城唐書安祿山

反僕固懷恩至渭水無舟抱馬鬣以逸

原導鳥鼠之源為雍州之浸

渭四

增厲鍛

詩涉渭為亂取厲取鍛

原迎太姒

見前詩親迎于渭

得玉璜

呂望垂釣於渭水得玉璜遂為帝師

送舅氏

見前贈路注中

增真人西遊

水經

注渭與汧合入散關昔老子將至關闕令尹喜候氣知真人將有西遊者

陳寶

水經注渭水又東過

陳倉縣縣有寶雞祠即秦文公遊獵於此遇寶雞鳴故曰陳寶

廊時

封禪書秦文公田於汧渭之間

夢黃蛇自天屬地其口止於廊行以為上帝之神於是作廊時祠白帝

原見玉英

史記漢文

帝立渭陽五帝

廟常有玉英見

增大人見

水經注渭水北過襄武縣魏咸熙二年襄武上言有

大人見身長三丈跡長三尺言歷數當在晉

背負清渭

郭子儀奏雍州背負清渭濁河之固

分渭水入金光門

韓朝宗為京兆尹分渭水入金光門匯為潭以通西市林木

祓除

李適傳天子春幸黎園並渭水祓除

渭河三百里內漁釣者五坊

捕治之

唐史河渠令

馬化為龍

柳宗元龍馬贊明皇帝在位靈昌郡得異馬於河其

狀龍鱗虺尾拳毛環目肉鬣居帝闕二十年遇禍亂帝西幸馬至咸陽西入渭水化為龍游泳去不知所終

蛙大如鼎

唐志神龍中渭水有蝦蟆大如鼎里人聚觀數日而失

合秦川隴

水見水

船司空

地里志曰渭水東至船司空入河服虔曰縣名

陽春澌

韓愈

詩灞渭  
陽春漸

獨向東

杜甫詩清渭無情  
極愁時獨向東

原沔彼渭水

浸夫雍州

渭五

原詩後周宇文逌至渭源詩曰渭源奔鳥穴輕瀾起客

亭淺淺滿澗響蕩蕩竟川鳴潘生稱運石馮子聽波聲

斜去臨天半橫來對始平合流應不雜方知性本清

庾信望渭水詩曰樹似新亭岸沙如龍尾灣猶言今暝

浦應有落帆還

隋煬帝臨渭源詩曰西征乃屆此山

路亦悠悠地幹紀靈異同穴吐洪流濫觴何足擬浮槎  
難可儔驚波鳴澗石澄岸瀉巖樓滔滔下狄縣淼淼肆  
神州長林嘯白獸雲徑想青牛風歸花葉散日舉煙霧  
收直為求民隱非窮轍跡遊薛道衡奉和臨渭源應

詔詩曰元功復禹跡至德去湯羅玉闕亭障遠金方水  
石多八川茲一態萬里導長波驚流注陸海激浪象天  
河鸞旗歷巖谷龍穴暫經過西老陪遊宴南風起詠歌  
庶品蒙仁澤生靈穆太和微臣惜暮景願駐魯陽戈

柳顧言奉和春日臨渭水應令詩曰飲馬投錢岸解釣

剖璜津風絲曳香餌覆杯懷昔人 唐韋嗣立奉和三

日被楔渭濱詩曰乘春被楔逐風光扈蹕陪鑾渭渚傍

還識當時水濱老衰年八十待文王 李乂奉和三

日被楔渭濱詩曰中國花柳暮春時元已陪游樂在茲此

日欣逢臨渭賞昔年空道濟汾詞 徐彥伯奉和三

日被楔渭濱詩曰晴風麗日滿芳洲御色春筵被錦流皆

言侍蹕璜溪宴暫似乘槎天漢游 增唐岑參西過渭

州見渭水思秦詩曰渭水東流去何時到雍州憑添兩  
行淚寄向故園流 崔國輔渭水西別季崙詩曰隴外  
長亭堠山深古塞秋不知嗚咽水何事向西流

增賦唐劉珣渭水象天河賦曰昔我先王肇修人紀乃  
建邦國以立都鄙或處沃而稱輿或宅中而為美周分  
景臺之測用會陰陽之擬漢據鶉首之分實為山河之  
理故右扶風而左馮翊距涇川而浮渭水潼函襟帶豐  
鄠巍峩下則崇岡於地險上乃取範於天河城雉周環

而斗設宮觀駢牙而星羅轉曲江於前岸俯冀闕於中  
波車馬誼流渾派聲之交錯風塵日夕與津霧而相和  
蓋聖人垂則必天之象王者都會大治斯享運璇衡以  
齊玉燭法露盤以崇金掌四方輻輳萬國攸仰風雲以  
之吸合日月於焉澄朗苟禎祥而應會則乾元之攸往  
何必河出圖洛出書然後為卜食之華壤者也懿哉作  
者元后中興後嗣同天之道順人之意橫橋乃牽牛之  
設素澹則飲龍之謂晚光澹灩接鳳苑之祥煙曉色清



明連斗城之佳氣樓臺倚而津涯隱伏鐘鼓作而波濤  
汨沸不覩斯焉以取斯寧復知王者之貴不察所由於  
所以又安明坎德之靈而生乎渭徒觀其遠畧汧隴橫  
截秦川沃長安之霞日浮京兆之雲天都邑傍於左右  
舟楫來而汧沿上林之煙開霧卷建章之戶萬門千朝  
而望兮蓬瀛若留乎岸側夕而臨也河漢宛在乎目前  
是以婁敬云被山帶河四塞為固豈不謂天道無親惟  
德是輔祥符下及瑞圖斯遇以登仁壽之理用表坤靈

之喻請謂東周安處先生之徒與須知西朝翰林主人  
之作賦 衛次公渭水貫都賦曰清渭天鑿名都王制  
貫金城千里之域寫銀河九霄之勢同穴發源衆川潛  
泄分黑水以渺漫遶黃山而迢遞水能濟物用導於中  
州君德配天故法於上帝都之會也皇皇渭之流也湯  
湯異東西之漚澗非汲引之沮漳夏后濬川分流非肇  
於伯禹秦德王水貫都必因於始皇照雙鳳之丹闕架  
長虹之飛梁褰裳者不勞於揭厲濯纓者何必於滄浪

泛彼樓船掩橫汾於武帝濱之釣叟感入兆於文王且  
夫前王酌憲惟皇都之所建度地有孚因貫渭之上腴  
曲抱乎周原秦野旁臨乎八達九衢既流行以紅粟誠  
輝煥乎黃圖則知八水皆流豈清於渭水五都並制莫  
大於西都原夫渭者雍之巨浸都者人之所聚天垂法  
君必取曳雲間之清渭何殊雲漢移天上之紫宮洞開  
天府及乎縈流一帶中派紆餘蕩元氣澄太虛稽前典  
而備矣於名川而舍諸豈惟積潤於庶物固亦近壯於

皇居至於春景澄廓晴霞朗暢涵萬象於影中度牽牛  
於波上客有觀光者於茲而寫望美夫取法可仰因天  
垂象疏紫陌而逶迤流丹霞而蕩漾周公卜洛雖云風  
雨所交秦后貫都實謂膏腴之壤惟洪業之永固與渭  
流而彌廣

涇一

增爾雅云直波曰涇 書曰涇屬渭汭

孔安國尚書注  
屬建也水北曰

汭言治涇  
水入於渭

詩曰涇以渭濁湜湜其沚 原周官雍州

其川涇汭 增淮南子云涇水出薄洛山

高誘注薄洛山即開頭山

也

原關中記云涇與渭洛為關中三川與渭灃澹澇

滴澧瀉為關中八水

案辛氏三秦記及山海經注涇

水出安定朝那縣西開頭山東南經新平扶風至京兆  
高陵縣而入渭水合流三百里清濁不相雜東合漆沮  
水至潼津入於河

## 涇二

增詩曰淠彼涇舟烝徒楫之周王於邁六師及之 左

傳曰晉侯伐秦帥諸侯之師以進濟涇而次秦人毒涇  
上流師人多死 國語曰恭王遊於涇上密康公從三  
女奔之其母曰必致之於王夫獸三為羣女三為粲粲  
美物也汝何德以堪之康公弗許一年恭王滅密 史  
記曰韓聞秦之好利欲罷之無令東伐乃使水工鄭國  
間說秦令鑿涇水自中山西抵瓠口為渠以溉田禾既  
而詐覺秦欲殺國國曰臣為韓延數歲之命為秦建萬  
世之功遂使成之名鄭國渠 原又曰武帝大始二年

趙中大夫白公奏穿渠引涇水首起谷口尾入櫟陽注

渭中二百里溉田四千五百頃因名白渠人得其饒歌

之曰田於何所櫟陽谷口鄭國在前白渠起後舉鍤為  
雲波渠為雨涇水一石其泥數斗且溉且糞長我禾黍  
衣食京師億萬之口 增前秦記曰苻堅以關中水旱

不時議依鄭白故事發王侯以下及豪望富室僮隸三  
萬人開涇水上源以溉田百姓賴其利 唐書曰關中

沃野千里舊資鄭白二渠為豪家貴戚壅隔上流置私

碾百餘所農夫所有十奪六七大歷初李栖筠為工部侍郎悉奏毀之又云代宗詔除涇水上流私碾以妨民溉有脂粉碾兩輪有司未敢毀撤公主見代宗訴之帝謂主曰吾行此詔蓋為蒼生耳可為衆率先公主即日毀去由是勢門碾磴毀八十餘所宋史曰張守約知涇州涇水暴漲為城害每歲治堤堰費不貲適年饑罷其役或曰如水害何守約曰荒歲勞民甚於河害禱之河神一夕雷雨河徙而南城不為患



涇三

原合渭

歷峽

上見前尚書曰涇水東流歷

酈道元注水經謂之涇峽

增富

流

穢迹

唐文粹

李庾西都賦曰其地勢也帶涇渭之柳宗元愚溪對云乃合清渭自彰穢

迹

鍾雲

渠雨

白渠成民作歌有舉鍾為雲洩渠為雨之句

前鄭

後

白

鄭國在前白渠起後同上民歌

原秦卜

漢祠

史記曰秦二世夢白虎齧其左驂殺

之卜涇水為崇二世乃齋望桑宮欲祠涇漢書曰潮

涇澧澧涇渭之水皆不在大川之例以近咸陽盡得比

大川之

周震

漢壅

史記曰幽王三年西周三川皆震伯陽甫曰周將亡矣徐廣注

祠也

曰涇渭洛也

又曰漢成帝河平

毒晉

崇秦

上見前左

四年長陵臨涇岸岸頽壅涇水

傳 下見前

造舟

沈馬

薛瑩後漢書曰章帝北巡下長平御池陽宮東至高

秦卜注中

陵造舟至于涇而還

酈道元注水經曰秦

增冠三

二世將祠涇沈四白馬於涇齋於此宮內

川 列八水

並見前

首薄洛

尾高陵

薄洛山名涇發源高陵縣名

涇至此入渭並見前

經隴阪

貫羸都

見唐徐珣望涇水詩

原出涇谷

屬渭汭

山海經曰涇西五十里曰涇谷之山

望彞

宮 長平觀

水經注曰涇水經望彞宮以望北彞故名又曰涇水經長平觀甘露三年呼韓

邪單于入朝上登長平觀詔單于無謁

增水一石

泥數斗

見前白渠民歌

原山崩涸

岸頽壅

淮南子曰峭山崩而薄洛之水涸高誘注曰峭山在雍薄洛涇水也

漢壅注

下見

增壅上流

去私碾

並見前唐書

原鄭國鑿

白公穿

並見前史記

增夸父振履

王母乘雲

輿地志涇州有振履

堆夸父逐日振履於此

又曰漢武

雙渠永泰

兩

時王母乘五色雲降遂立祠於涇州

輪脂粉

上見前史記下見前唐書

原引湜湜之流泥惟數斗

收

芄芃之稼畝乃一鍾

涇四

增鳬鷺

詩曰鳬鷺在涇

原沔彼涇水

洩為鄭渠

增三白

輿地志涇陽白公引涇水溉田有上白中白南白三渠

命刮朽壤

唐文粹王繼張公德政碑

曰維涇失防比歲多浚近縣疲於奔命

請開支渠

唐書

他山苦於度材公乃命剗朽壤填巨石

黎幹戎州人大厯十三年為京兆尹百姓連狀

胡盧

告涇水壅隔幹力請開鄭白支渠復秦漢故道

入涇

山堂肆考曰胡盧河本名蔚茹河源出平涼府鎮源縣西南顏沙山下流入涇河

臙脂

入涇

又曰臙脂川在平涼府華亭縣西北一百里東流入涇河

蕩潏

杜甫北征詩  
邠郊入地底

涇水中

原控清

引濁

蕩潏

涇五

原詩唐徐玗日暮望涇水詩曰導源經隴阪屬汭貫羸

都下瀨波恒急迴圻溜亦紆毒流秦卒斃泥糞漢田腴

獨有迷津客懷歸漸暮途

增賦唐獨孤綬涇渭合流賦曰遊者感異源而合趣指  
涇渭於秦樹涇如經也自北而南流渭若緯焉從西而  
東注性相近以不息勢使然而自遇湜湜其止昔既聞  
之於詩湯湯其流今則狀之為賦夫至清者渭至濁者  
涇惟清也鑒物之道著惟濁也含垢之義形共導金氣  
咸通井星混殊流之昭晰成一帶之滌淨初以縱亂橫  
似爭長而難雜終以潔受污何極睽而乃合禹功之所

兩存漢苑斯焉博納乍異其色覺游鱗之隱見必同乎  
聲帶長風之蕭颭象昭回之可求歌鄭白之有由飲馬  
投錢足以發明廉士浚渠降雨足以殷富神州既相弘  
以利物寧自異乎並流知之者齊我以不皦不昧感之  
者比我于一薰一蕕斯乃柔以長存和之足貴近則順  
洪河之紆直遠則成滄海之濩渭同功一體叶靈通氣  
信殊穀洛之流寧爽淄渰之味夫然波獨清而無偶非  
達識之所謂

原贊唐韋挺涇水贊曰浞渠濁流屬渭清津流亦毒晉  
靈嘗崇秦

增碑劉禹錫高陵令劉君遺愛碑曰涇水東行注白渠  
醞而為三以沃關中故秦人常得善歲按水部式浞洩  
有時畎澮有度居上游者不得壅泉而顓其腴兵興以  
還寢失根本涇陽人果壅而顓之高陵令劉君勵精吏  
治乃脩故事考式文請更水道入於我里請杜私竇使  
無棄流寶歷元年京兆下其符司錄姚康士曹掾李紹

實成之縣主簿談孺直實董之冬十月百衆雲奔憤與

喜并口謠力運不屑磬鼓仲冬新渠成駛流渾渾如脉

宣氣蒿荒漚冒迎耜斯釋開塞分寸皆如詔條有秋之

期投鍤前定請名渠曰劉公其廣四尋而深半之兩岸

夾植杞柳萬本下垂根以作固上生材以備用仍歲旱

沴而渠下田獨有秋絲是邑人享其長利高陵人蒙被

惠風播為聲詩今采其旨而志於石文曰噫涇水之逶

迤漑我公兮及我私水無心兮人多僻錮上游兮乾我



澤時逢理兮官得材墨綬紫兮劉君來能愛人兮恤其  
隱心既公兮言既盡縣申府兮府聞天積憤刷兮沈疴  
痊劃新渠兮百畝流行龍蛇兮止膏油遵水式兮田復  
制無荒區兮有良歲嗟劉君兮去翱翔遺我福兮牽我  
腸紀成功兮鐫美石求信詞兮昭懿績

昆明池一

原說文云池者陂也 增三輔黃圖云昆明池中有靈  
沼神池堯時治水嘗停舟於此蓋堯時已有池漢代因

而深廣耳 原漢書曰昆明池武帝元狩三年所穿也  
初漢欲求身毒國為昆明爰所閉昆明有滇池方三百  
里曰滇河漢將伐昆明以通身毒使謫卒伐棘上林象  
滇河作昆明池以習水戰池周圍四十里 增曹毘志  
怪云漢武鑿昆明池極深悉是灰墨無復土舉朝不解  
以問東方朔朔曰臣愚不足以知之可試問西域胡人  
帝以為朔不知也至後漢明帝時外國道人來洛陽時  
有憶方朔言者乃試以武帝灰墨問之荅云天地大劫

將盡則劫燒此劫燒之餘乃知朔言有旨

### 昆明池二

增漢書曰武帝大脩昆明池列館環之 班固西都賦

曰集乎豫章之宇臨乎昆明之池左牽牛而右織女似  
雲漢之無涯茂樹蔭蔚芳草被隄若摛錦與布繡燭耀  
乎其陂 張衡西京賦曰乃有昆明靈沼黑水玄趾周  
以金堤樹以柳杞豫章珍館揭焉中峙牽牛立其左織  
女處其右日月於是乎出入象扶桑與濛汜 原西京

雜記曰昆明池中有戈船樓船各數百艘樓船上建樓  
櫓戈船上建戈矛四角悉垂幡旄旌葆麾蓋照燭涯涘  
又作二石人東西相對以象牽牛織女 又曰昆明池  
刻石為鯨魚每雷雨魚常鳴吼鬣尾皆動漢世祭以祈  
雨往往有驗至昭帝幼沖不復習戰於中養魚以給諸  
陵祠餘付長安市魚乃賤 增酉陽雜俎曰漢武昆明  
池中有水網藻枝橫側水上長八九尺有似網目鳬鴨  
入此草中皆不得出因名之 晉潘岳西征賦曰乃有

昆明池乎其中浩如河漢日月麗天旦似暘谷夕類虞淵昔豫章之名字披玄流而特起儀景星於天漢列牛女以雙峙圖萬載而不傾奄摧落於十紀擢百尋之層觀今數仞之餘址唐書曰高祖武德九年三月庚寅幸昆明池習水戰太宗冬日臨昆明池有御製詩景龍館記曰中宗正月晦日幸昆明池賦詩羣臣應制百餘篇帳殿前結綵樓命上官昭容選一首為新翻御製曲從臣悉集其下須臾紙落如飛各認其名懷之惟沈

佺期宋之問二詩不下移時一紙飛墜乃沈詩也評曰  
二詩工力悉敵惜沈詩末句詞氣已竭宋詩云不愁明  
月盡自有夜珠來猶陡健舉 酉陽雜俎曰孫思邈嘗  
隱終南山時大旱西域僧請於昆明池結壇祈雨凡七  
日縮水數尺忽有老人夜詣孫公求救曰余昆明池龍  
也胡僧利弟子腦將為藥欺天子言祈雨命在旦夕乞  
法力加護孫謂曰昆明龍宮有仙方三千首爾傳與予  
予將救汝老人曰此方上帝所禁今急矣固無所恡有

頃捧方而至孫曰爾第還無慮胡僧也自是池水忽漲數日溢岸胡僧羞恚而死

### 昆明池三

原神池

靈沼

並詳前三輔黃圖

伐棘

鑿灰

上見前漢書下見前志

怪記

象溟

儀漢

上見前漢書下見前西征賦

刻石

儀星

上見前西

京雜記

下

玄流

黑水

上見前西征賦下見前西京賦

湯谷

見前西征賦

虞泉

並見前西征賦

漢宇

堯舟

上見前西都賦下見前三輔黃圖

珍館

名字

上見前西京賦下見前西征賦

習戰

肄師

漢書武帝鑿昆明池以習水戰

潘岳西征賦曰伊茲池  
之肇穿肆水師於荒服

增養魚

網藻

上見前西  
京雜記

下見前西

鯨吼

龍求

上見前石鯨鳴吼  
昆明池龍求救於孫思邈

下見前

陽雜俎

象扶桑

似濛汜

並詳前

左牽牛

右織女

並詳前

原錦繡陂

杞柳隄

上見前西都賦  
下見前西京賦

增虛夜月

動

秋風

杜甫秋興詩織女機絲虛  
夜月石鯨鱗甲動秋風

終南雲影

渭北雨

聲

江總昆明池詩曰終南  
雲影落渭北雨聲過

船疑槎渡

珠似星來

虞茂

賦昆明池織女石曰船  
疑海槎渡珠似客星來

石鯨分溜

劫燼隱沙

唐太宗臨

昆明池詩曰石鯨分  
玉劫燼隱平沙

金隄稅馬

石岸橫舟

李百藥  
和昆明



池詩曰稅馬金隄外橫舟石岸前

川通黑水

地派紫泉

李乂昆明池應制詩

曰川通黑水漫

太宗御製

昭容品詩

唐太宗冬日臨昆明池有

地派紫泉流

詩上官昭容彩

上已泛舟

晦日侍宴

宋之問上巳泛舟昆明

樓品詩見前序

明池有序

中宗於正月晦日幸昆明

命羣臣侍宴賦詩見前景龍館記

## 昆明池四

原周以金隄

見前

池濱得珠

潘岳關中記曰漢武作昆明池人釣魚綸絕而去夢

於帝求去其鉤明日帝戲於池見魚銜索帝取其鉤放之閱三日復游池濱得珠一雙帝曰豈非昔魚之報也

豫章館

劫燒灰

出日月

似雲漢

並見前西都西京賦中

增貞觀獻獲

唐書貞觀五年太宗獵於昆明池獻獲於大安宮

問昆明開

自何年日

帝嘗問許敬宗漢武開昆明池實何年日敬宗對元狩三年因伐昆明為此池以肄戰也

自作定昆池

六帖云安樂公主嘗請昆明池帝曰先帝未有以與人者主不悅自鑿定昆池

延袤數里定言可抗之也

鯨吼歲熟

朝野僉載開元初石鯨吼歲大熟

紫雲樓

綵霞亭

唐書帝嘗詠杜甫曲江辭有宮殿千門語意天寶時環江有觀榭宮室問鄭注即詔兩神策治

曲江并治昆明作

應制同用堯字

唐時恩勅尚書省察宴昆明池應制

紫雲樓綵霞亭

同用堯字如張嘉貞詩首句

靈沼初開漢神池舊浴堯

昆明池五

原詩周庾信晚讌昆明池詩曰春餘足光景趙李舊經  
過上林柳腰細新豐酒汎多小船行釣鯉新盤待摘荷  
蘭皋徒稅駕何處有凌波 又和灵法師遊昆明池詩  
曰秋光麗曉天鷓鴣汎中川密菱障浴鳥高荷沒釣船  
碎珠縈斷菊殘絲繞折蓮落花催斗酒棲鳥送一絃

隋江總秋日昆明池詩曰靈沼蕭條望遊人意緒多終  
南雲影落渭北雨聲過蟬噪金堤柳鷺飲石鯨波珠來  
照似月織處寫成河此時臨水歎非復采蓮歌 隋薛

道衡秋遊昆明池詩曰灞陵因靜退靈沼暫徘徊新船  
木蘭楫舊宇豫章材荷心宜露泣竹徑重風來魚潛疑  
刻石沙暗似沈灰琴逢鶴欲舞酒遇菊初開羈心與秋  
興陶然寄一杯 虞茂賦昆明池一物得織女石詩曰

隔河圖列宿清漢象昭回支機就鯨石拂鏡沈池灰船  
疑海槎度珠似客星來所恨雙蛾歛逢秋遂不開 元  
行恭秋遊昆明池詩曰旅客傷羈遠樽酒慰登臨池鯨  
隱舊石岸菊聚新金陣低雲色近行高雁影深歌荷瀉

園露卧柳橫清陰衣共秋風冷心學古灰沉還似無人  
處幽蘭入雅琴 唐太宗冬日臨昆明池詩曰石鯨分

玉溜劫燼隱平沙柳影冰無葉梅心凍有花寒野疑朝  
霧霜天散夕霞歡情猶未極落景遽西斜 李百藥和

許侍郎游昆明池詩曰神池望不極滄波接遠天儀星  
似河漢落景類虞泉年深平館宇道泰偃戈船差池下  
鳬雁掩映生雲煙浪花開已合風文直且連稅馬金隄  
外橫舟石岸前羽觴傾綠蟻飛日落紅鮮積水浮深智

明珠耀雅篇大鯨方遠繫沈灰獨未然知君嘯儔侶短  
翮徒聯翩 任希古和七月七日遊昆明池詩曰秋風  
始搖落秋水正澄鮮飛眺牽牛渚激賞鏤鯨川岸珠渝  
曉魄池灰斂曙煙汎槎分瀉漢儀星別構天雲光波處  
動日影浪中懸驚鴻結蒲弋遊鱗入莊筌萍葉疑江上  
菱花似鏡前長林代輕幄細草即芳筵文華開翠岱筆  
海控清漣不挹蘭尊聖空仰桂舟仙 沈佺期奉和晦  
日幸昆明池詩曰法駕乘春轉神池象漢回雙星遺舊

石孤月隱殘灰戰鷁逢時去恩魚望幸來岸花緹騎繞  
隄柳幔城開思逸橫汾唱歌流宴鎬杯微臣凋朽質羞  
覩豫章材 宋之問奉和晦日幸昆明池詩曰春豫靈  
池會滄波帳殿開舟凌石鯨渡槎拂斗牛回節晦奠金  
落春遲柳暗催象溟看浴景燒劫辨沈灰鎬飲周文樂  
汾歌漢武才不愁明月盡自有夜珠來 增唐蘇頌昆  
明池宴坐王兵部珣見示以三韻因而有荅詩曰畫舸  
疾如飛遙遙泛夕暉石鯨吹浪隱玉女步塵歸獨有銜

恩處明珠入釣磯

沈佺期昆明池侍宴應制詩曰武

帝伐昆明穿池習五兵水同河漢在館有豫章名我后  
光天德垂衣文教成黷兵非帝念勞物豈皇情春服過  
鯨沼雲旗出鳳城靈魚銜寶躍仙女廢機迎柳拂旌門  
暗蘭依帳殿生還如流水曲日晚棹歌聲 張嘉貞恩

敕尚書省寮宴昆明池應制同用堯字詩曰靈沼初開  
漢神池舊浴堯昔人徒習武明代此聞韶地脉山川勝  
天恩雨露饒時光牽利舸春淑覆柔條芳醞醒千日華



牋落九霄幸承歡賚重不覺醉歸遙  
蘇頲恩敕尚書

省寮宴昆明池應制同用堯字詩曰露渥灑雲霄天官  
次斗杓昆明四十里空水極晴朝雁似銜紅葉鯨疑噴  
海潮翠山來徹底白日去回標泳廣漁槎溢浮深妓舫  
搖飽恩皆醉止合舞共歌堯  
又奉和晦日幸昆明池

應制詩曰炎歷事邊陲昆明始鑿池豫遊先後聖征戰  
罷前規霽色清珍宇年芳入錦陂御杯蘭薦葉仙仗柳  
交枝二石分河瀉雙珠代月移微臣此翔泳恩廣自無

涯 李义奉和晦日幸昆明池應制詩曰玉輅尋春賞  
金堤重晦遊川通黑水漫地派紫泉流晃朗扶桑出綿  
聯樹杞周鳥疑埋海處人似隔河秋劫盡灰猶識年移  
石故留汀洲歸棹晚簫鼓雜汾謳

增賦唐張仲素漲昆明池賦曰空闊靈沼蒼茫舊規昔  
穿焉迎秋而大閱戎艦今漲也乘春而無竭陂池惟時  
陽侯既序陰冰已泮天子乃詔京尹以亢役命水工而  
叶贊陳衆力而雲插勃興浚萬派而箭流共灌澹汪汪

之積水似耿耿之斜漢況復穀雨初霽天桃正春總上  
善以利物涵聖澤之深仁軼彼宮沼瀾如海濱鼓金堤  
之曲岸揚石鯨之彩鱗浪湧煙郊更失辨牛之涖日華  
翠潏纔分織女之津伊昔殊荒未化勤遠是思非障澤  
之瀦矣將水戰而隸

疑作肆

之構館浮鷁以遨以嬉獫獫

呈形有類於文身之俗鳬鷺亂響如習乎下瀨之師春  
水平兮波緩春日煦兮沙暖雖守柔以易狎竟安卑而  
就滿重泉之沫騷騷而若回淺沚之毛離離而漸短至

若鏡朗風收澄明不流沃餘潤於荒野引孤光於釣舟  
豈獨鼈蜃是獻實亦龜龍載游厥迹既往前聞可想故  
人遙集曾分劫火之灰蕃帥來朝暗識滇河之象其漲  
則那式詠且歌開鄭白之墳衍流畎澮以天波瑞氣長  
凝表宸居之在鎬晴虹乍飲若榮光之出河大哉水之  
為量皆從夫一勺之多

增序唐宋之間上已泛舟昆明池宴宗主簿席序曰暮  
春脩以文之會上已邀袂禊之遊乃結搢紳撰清辰殷

殷麟麟歆霧驚塵望昆明之濱觀其大浸川陸博資畿

甸鳬鷺發海來往沉浮日月麗天東西出入千年珍館

無復豫章四面金堤仍同樹杞是日也駢肩錯轂倘朝

野之歡娛絃服靚粧匝都城之里開翠幕星布錦帆霞

屬餘瀝下醉於綃人新聲遠聒於川后縱目遐覽識皇

代之承平得意同歸有吾儕之行樂高朋一座桂樹藂

生君子肆筵玉山交映束皙以言談得俊張華以史漢

先鳴登旨酒而無荒絃清琴而自逸於是涉連榻命孤

舟桃水漲而浦紅蘋風搖而浪白逼匡阜兮遵彭蠡邈  
矣載浮指衡岳而超洞庭眇焉疑到曲島之光靈乍合  
神魂密遊中流之萍藻忽開龜魚潛動晞鏤鯨而鼓棹  
共看燒劫之灰歷牽牛而問津欲取支機之石晴光劃  
野有象而必形夕陽照山無竒而不見思溢今古心搖  
草木漢家城闕遺之以雜霸之風秦塞膏腴潤之以太  
平之色景窮勝踐歸限嚴闔思染翰於上林願揮戈於  
濠汜主稱未醉惟見馬駐浮雲賓共少留自有魚銜明

月宮商待叩羣公之獲助已多序引先題下走之求蒙  
不逮請授素幅以頌佳遊使一時之興詠遙存千古之  
姓名常在 孫逖宰相及百官定昆明池旬宴序曰皇  
帝御天下之十有九載賜羣臣十日宴所以畢春氣樂  
太平也越三月己巳會於定昆明池於是秉鈞宗公執  
事庶尹華袞赤舄黼衣繡裳奉璋戕戕珮玉鏘鏘仰丹  
闕而拜命俯清川而樂飲大庖孔碩尹京為致餼之司  
旨酒思柔柱史為佐樽之政既錫之以高會又悅之以

備樂脩妓羅舞名倡間歌含姑洗於鐘鼓動陽春於羽  
籥陟則設帟降則具舟榜文鷁以沂洄與飛鷗而狎玩  
魴鱖甫甫鳬鷺翼翼熏風敷散於草木喜氣宛延於郊  
甸亦既醉止于胥樂兮

漕河一

原白帖曰水運曰漕 增文獻通考東萊呂氏曰古者  
天子中千里而為都公侯中百里而為都天子之都所  
貢入者不過五百里諸侯之都所貢入者不過五十里



所以禹貢所載入於渭入於河之類不過是達朝廷之路耳如管子所論粟行三百里則無一年之積粟行五百里則無二年之積孫子所謂千里饋糧士有飢色又是當日諸侯侵伐一時轉輸之道則如此至秦併諸侯罷五等置郡運天下之粟然後漕運之法自此興而漕河亦自此講矣 按政術部中詳載漕運而水部先有漕河一類則漕運既專叙歷代倉庾漕河宜備考歷代河渠即河渠之無與于漕但資民田灌溉者亦不得混

入焉

漕河二

增左傳曰晉饑秦輸之粟自雍及絳相繼命之曰汎舟

之役

雖秦晉兩國一時之輸而雍絳水運相通實漕河之見端也

春秋魯哀公九

年秋吳城邗溝通江淮

以通糧道東北通射陽湖西北至宋口入淮今廣陵邗江是也

秦本紀曰始皇欲北伐使天下飛芻挽粟起於黃腫

琅邪負海之郡轉輸北河

史記曰婁敬說高帝都關

中張良曰關中阻三面而守獨以一面東制諸侯諸侯

安定河渭漕輓天下西給京師諸侯有變順流而下足以委輸敬說是也 孝武本紀云元光六年春穿漕渠

通渭 食貨志曰先是十餘歲河決灌梁楚地而緣河

之郡隄塞河輒壞決費不可勝紀其後番係欲省底柱

之漕穿汾河渠鄭當時以渭漕回遠鑿漕直渠自長安

至華陰而朔方亦穿溉渠作者各數萬人費亦各以鉅

萬千數 後漢書張純傳曰建武二十三年純為大司

空上言穿陽渠引洛水為漕大得其利

注陽渠在洛陽城南

王

景傳曰景沈深多技藝永平十二年議脩汴渠乃引見  
景景陳其利害帝善之又以嘗修浚儀渠功業有成賜  
景山海經河渠書禹貢圖及錢帛衣物夏遂發卒數十  
萬遣景與將作謁者王吳共脩渠築隄自滎陽漕渠東  
至千乘海口千餘里景商度地勢鑿山阜破砥磧十里  
立一水門令更相洄注明年渠成於漕大利帝親自巡  
行詔濱水郡國置河隄員吏拜景為河堤謁者 孝章  
本紀曰建初三年詔罷常山滹沱石臼河漕因謁者鄧

訓上言此漕難成也 晉食貨志曰魏脩廣淮陽百尺

渠上引河流下通淮潁以便漕又大治大陂于潁南潁  
北 又曰賈逵為豫州刺史南與吳接脩水戰之具遏  
汝水造新陂又通運渠二百餘里所謂賈侯渠也 隋

食貨志曰文帝以渭水多沙漕者苦之開皇四年詔左  
庶子宇文愷帥水工鑿引渭水三百里名廣通渠漕運  
通利 本紀云開皇七年于揚州開山陽瀆以通漕

郭行傳曰衍於開皇九年為開漕渠大監鑿引渭水自

大興城

即西京城也

至潼關四百餘里關中賴之名富人渠

薛胄傳曰開皇中胄爲兗州刺史先是城東沂泗水

合而南流汎濫胄積石堰之波令西注通漕利盡淮海

號爲薛公豐兗渠 通典云煬帝大業元年開通濟渠

西通河洛南達江淮天下利於轉輸 唐食貨志曰唐

都關中土地狹所出不足給京師常漕東南之粟高祖

太宗用物有節高宗後歲用益多開元二十一年裴耀

卿請置東西倉以避三門水險謂之水陸運

史記正義底柱山俗

名三  
門山

二十九年李齊物鑿砥柱以通漕然水益湍悍舟

不能入天寶三年韋堅代爲水陸運使始漢有運渠起

闕門西抵長安通山東租賦迄隋常治之堅乃占咸陽

壅渭為堰初漚水銜苑左有望春樓堅於樓下鑿為潭

以通漕三年而成

唐志望春樓即在長樂陂也

賜名廣運潭自裴耀

卿言漕事進用者以堅為最未幾潭不可漕付司農掌

之為捕魚之所 黎幹傳曰唐大厯元年幹遷京兆尹

以治稱京師苦樵薪乏幹自南山開渠抵景風延喜門

入苑以漕薪炭帝御安福門觀之幹密具舸船作倡優

水嬉以媚帝久之渠不就 齊澣傳曰開元中澣爲潤

州刺史北距瓜步沙尾紆匯六十里舟多敗溺澣徙漕

路由京口埭下治伊婁渠二十五里以渡揚子歲無覆

舟減運錢數十萬又立伊婁埭官征其入歲利百億

文獻通考曰宋都于汴其初四河所運未有定制至太

平興國以後汴河黃河惠民河廣濟河歲運五百五十

萬石 陳止齋曰汴都漕運分爲四路江南淮南浙東



西荆湖南北六路之粟自淮入汴至京師陝西之粟自  
三門白波轉黃河入汴至京師陳蔡之粟自閔河蔡河  
入汴至京師

閔河蔡河本一水即惠民河也

京東之粟自五丈河歷曹

濟及鄆至京師四河所運惟汴河最重 玉海云宋乾

德淳化中屢疏黃河運道天聖七年高弁高繼密等上

黃河諸埽圖 輿地廣記曰汴河蓋古良蕩渠也首受

黃河水自隋開浚以通江淮漕 玉海曰熙寧四年命

發運副使史公弼脩泗州洪澤河九年王子京脩運鹽

河自泰州至如臯百七十餘里元豐二年浚淮南運河自召伯堰至儀真十四節六年發運副使蔣之奇請開治長淮洪澤河役民夫九萬二千元符元年脩楚州河賜名通連河皆為東南漕渠計也 續文獻通考曰元

都於燕漕專恃乎東南其初運由海道世祖時因壽張尹韓仲暉獻議于至元二十六年興工起東平州安民山西南道壽張西北二百五十里抵臨清引汶絕濟直屬御河即今衛河建閘三十有一以節蓄洩遂名會通

河 又曰大通河即潞河也至元二十九年以郭守敬  
為都水監守敬導昌平縣白浮村神仙泉過雙塔榆河  
引一畝玉泉諸水入城匯於積水潭從東折而南入舊  
河每十里置一閘以時蓄洩賜名曰通惠 又記淮安  
漕道曰自漢以來即有高家堰在淮安之東南永樂間  
築堤堰上以防淮水東侵又有府北鑿河蓄諸湖水南  
接清口凡六十里曰清江浦乃運船由江入淮之道

又記揚州高寶運道曰高郵邵伯等湖皆有石隄運船

觸隄往往敗溺弘治三年於高郵湖東開新河以避其險曰康濟河萬曆十二年又於石隄之東開新河二十餘里以避寶應槐角樓一帶之險名曰弘濟河 又記徐呂二洪漕道曰徐州洪在徐州為運河要害亂石峭立凡百餘步成化四年命鑿石以利舟楫呂梁洪在徐州東南六十里有上下二洪相距七里亦運河要害成化八年甃二石堤

漕河三

增都秦

輸渭

西漢及唐都咸陽天下漕皆輸渭水

宅梁

歸汴

東漢及宋

宅洛陽天下

王燕

貢潞

元及明王幽燕天下漕皆貢潞河

百尺

漕皆歸汴渠

五丈

魏脩淮陽百尺渠以便漕見前晉食貨志漕一自五丈河即廣濟河也見前文獻通考

宋

千乘

三門

漢脩汴渠漕東至千乘海口見前王景唐裴耀卿兼水陸運避三門之險

見前唐食貨志

富人

惠民

隋開皇中開漕渠曰富人渠見前郭行傳宋漕一自惠民河

見前文獻通考

鑿潭

圖埽

韋堅鑿廣運潭以集漕艘見前唐食貨志宋天聖中高繼密

等上黃河諸埽圖見前玉海

廣濟

會通

宋漕河有四一名廣濟河見前文獻通考元

運自東平州抵臨清名會通河見前續文獻考

永濟

大通

隋煬帝於河北開永濟渠見通

鑑 元漕會大通河即

賈侯

薛公

賈逵刺豫州開運渠遂名賈侯

潞河也見文獻通考

渠見前晉食貨志

隋薛胄刺兗州浚

原通零桂

水通漕名薛公豐充渠見前薛胄傳

達褒斜

杜預傳預鎮襄陽開陽口起夏水達巴陵千餘里以通零桂之漕漢書元光中人有上書欲

通褒斜道及漕事下張湯作褒斜

治濬沱

鐫底柱

道果便近而水多湍石不可漕

後漢建初中罷濬沱石臼河漕見前本紀

陽馬言河

上下患底柱隘可鐫廣之上使馬鐫之而水益湍怒

增開伊婁

脩洪澤

唐齊澣刺潤州開伊婁渠於京口見前澣傳宋熙寧中史公

弼蔣之奇脩淮泗

升樓望

御門觀

唐韋堅作廣運潭於望春樓下

洪澤河見前玉海

明皇升樓望之大悅見唐食貨志

黎幹開

永平巡

渠以漕薪炭代宗御安福觀之見前幹傳

開皇詔

漢明帝永平十二年巡行汴渠隋文帝開皇初大講漕渠首引渭水有詔並見後

長樂陂前

望春樓下

唐廣運潭開在望春樓下樓即在長樂陂前見前

原

樹柵立埭

燒石翦木

晉書謝玄既克苻堅乘勝下兗州患水澀運艱乃堰呂梁水植

柵立七埭為派以利運漕後漢虞詡傳詡為武都守運道艱澀詡案行自沮至下辨數十里燒石翦木以開

漕

增賈讓三策 劉晏一書

漢待詔賈讓上治河三策唐轉運使劉晏遺

宰相書

渠因賈著 瀆以孟名

上見前賈侯渠地理志常州武進縣西

論漕渠

有孟

漢優王景 唐寵韋堅

王景以治渠拜河隄謁者韋堅以轉運進常

瀆

侍並

雍絳汎舟實始漕政

江淮運道遂富國租

詳前

# 漕河四

增潰渭洞河

班固西都賦東郊有通溝大漕潰渭洞河

泛舟山東

又曰泛舟山東

控引淮湖與海通波

都水

漢百官表三輔皆有都水如馮參領護左馮翊都水劉向領護三輔都水

河隄謁者

漢志王延世領河隄謁者秩千石或名其官爲護都水使者

經明禹

貢

漢平當傳當以經明禹貢使行河領河隄

言水災

李尋傳以尋言且有水災拜尋騎都尉使

獲河

五謁者

晉傳玄傳玄上疏曰先帝分河隄爲四部凡五謁者以水功至大非一人所周

也

拖渠

鮑照蕪城賦拖以漕渠注謂邗溝也

引粟淮海

潘岳西征賦漕引淮海之

粟

疏嘉陵江漕

地理志唐元和中節度使嚴礪自縣以西開嘉陵江二百里焚巨石沃礪



以碎之通漕以饋成州戍兵

### 運木渠

會要唐大歷元年鑿運木渠自京兆府東入於上苑

### 灤水漕

唐李渤傳桂州有灤水秦命史禄伐粵鑿為漕馬援討徵側復治以通餽後江水潰毀每餉役

數十戶濟一艘灑浚舊道障泄得宜舟楫利焉

### 隋害唐利

皮日休作汴河銘曰在隋則害

在唐則利

### 元豐導洛記

玉海宋元豐元年都水丞范子淵畫十利請導洛通汴以便漕因刻

元豐導洛記

### 黃陵岡石人眼

元史黃河決漕運使賈魯議必塞北河疏南河

於洛口廟

役不大興害不能已先是河南北童謠云石人一隻眼

挑動黃河天下反及魯治河果於黃陵岡得石人一眼

而汝潁之兵起

### 論歷代建都漕道

明總督漕運王宗沐疏曰唐都於秦有險可依而無

水通利有險則天寶興元恃其強無水則會昌大中受其貧宋都於梁有水通利而無險可依有水則景德元

祐享其全無險則重和宣和受其敝元明相繼都燕北  
有居庸巫閭以為城南有天津大通以為池梁秦之所  
不得  
望也

漕河五

增詩元王惲輓漕篇曰湯湯汶水波西驚復東注勢雖  
汗漫來止可流束楚發源本清淺入夏即沮洳安能浮  
重載通漕越齊魯有時汎商舶潦漲藉秋雨船官行有  
程至此日艱阻鉅野到齊東著淺凡幾處必資州縣力  
澀滯方可度漫村趕丁夫所在沸官府先須刮流沙推

挽代篙艣硬拖泥水行奚異舂盪努涉寒戰股腓負重  
傷背脊咫尺遠千里跬步百舉武茲焉幸得過斷流行  
復阻又須集牛車陸遞入前浦中間吏因緣為弊不可  
數舟中一斛粟百姓幾辛苦今復起堰填壅積百方禦  
木石動萬計科配困氓伍不思根源微隄障深幾許轉  
漕本便民廣儲實國補事功貴順成勉強終齟齬惜將  
生民力委棄若泥土山東實重地一靜乃可撫嘗聞建  
隆間有相曰趙普凡百投利人罷遣皆不取以茲報國

恩後世比申甫黃閣十餘年清風一萬古 又通漕引

曰漢家鼎定天西北萬乘千官必供億近歲職貢仰江

淮海道轉輸多覆溺東阿距泉清泉縣二百八淪注西來

與清合安流取直民力省積水浮網纔兩閘自昔河防

爭橫議祇辦薪芻不勝計宣防瓠子至今悲以彼方茲

功極細役徒三萬期可畢一動雖勞終古利裹糧荷鍤

去莫遲行看連檣東過薊休說春潭得寶歌長笑韋郎

空侈麗從今粒米斗三錢狼藉都城樂豐歲

增詔隋文帝開漕渠詔曰京邑所居五方輻湊重關四塞水陸艱難朕君臨區寓興利除害公私之弊情所愍之故東發潼關西引渭水因藉人力開通漕渠已令工匠巡歷渠道觀地理之宜審終久之義可使官及私家方舟巨舫晨昏運漕汭汭不停誠知時當炎暑動致疲勞然不有暫勞安能永逸宣告人民知朕意焉

增考宋馬端臨漕渠考曰案西漢與唐俱都關中皆運東南之粟以餉京師自渭河汭流而上然漢武帝時運

六百萬斛唐天寶極盛之時一歲能致四百萬斛餘歲止二百五十萬斛至德以後僅百餘萬而已俱未能及漢之數將運彌艱費彌重耶抑古今水道有險易之不同耶

增奏疏宋元祐七年知揚州蘇軾上疏曰臣竊見嘉祐中張方平論京師軍儲云今之京師古所謂陳留四通八達之地非如雍洛有山河之險足恃也特恃重兵以立國國恃食食恃漕漕路一梗朝廷無所措手足矣其

所陳十四策實可采云 明丘濬奏議曰臣惟運東南

粟以實京師在漢唐宋皆然然漢唐都關中宋都汴梁  
所漕之河皆因天地自然之勢非若會通一河前代所  
未有而元人始創為之也元人為之所運僅數十萬而  
今日極盛之數則踰四百萬蓋十倍之矣昔宋人論汴  
水以為大禹疏鑿隋煬開濬終為宋人之用嗚呼夏至  
隋隋至宋中經朝代非一謂天意顯在宋臣不敢知若  
元之為此河以為我朝用其意豈不彰彰然明矣哉

御定淵鑑類函卷三十九




謹案第二十頁後三行猶陡健舉刊本陡訛涉據

景龍文館記改

欽定四庫全書





總校官庶吉士臣張能照

校對官庶吉士臣陳墉

謄錄監生臣邱桂蟾

欽定四庫全書卷要

子部

御定淵鑑類函卷四十

欽定四庫全書薈要卷一萬一千四百八十八


子部

御定淵鑑類函卷四十

帝王部一

帝王總載

帝王總載一

 增廣 乾大象曰夫大人者與天地合其德與日月合其

明與四時合其序與鬼神合其吉凶先天而天弗違後  
天而奉天時 易泰大象曰后以財成天地之道輔相  
天地之宜以左右民 書太甲曰一人元良萬邦以貞

周書泰誓曰亶聰明作元后元后作民父母 書洪

範曰皇建其有極欽時五福用敷錫厥庶民惟時厥庶  
民于汝極錫汝保極 詩周頌曰宣哲維人文武維后  
燕及皇天克昌厥後 原禮記曰天子者與天地參德  
配天地兼利萬物與日月並明明照四海而不遺微小  
其在朝廷則道仁聖禮義之序燕處則聽雅頌之音行  
步則有環珮之聲升車則有鸞和之音居處有禮進退  
有度百官得其宜萬事得其序 增左傳臧哀伯曰君

人者將昭德塞違以照臨百官猶懼或失之故昭令德以示子孫是以清廟茅屋大路越席大羹不致粢食不鑿昭其儉也衮冕黻珽帶裳幅舄衡紃紼昭其度也藻率鞞鞞齔厲游纓昭其數也火龍黼黻昭其文也五色比象昭其物也錫鸞和鈴昭其聲也三辰旂旗昭其明也夫德儉而有度登降有數文物以紀之聲明以發之以照臨百官百官於是乎戒懼而不敢易紀律家語曰季康子問於孔子曰何謂五帝孔子曰天有五行

水火金木土分時化育以成萬物其神謂之五帝古之王者易代而改號取法五行更王終始相生亦象其義是以太昊配木以木德王於天下色尚青炎帝配火以火德王於天下色尚赤黃帝配土以土德王於天下色尚黃少昊配金以金德王於天下色尚白顓頊配水以水德王於天下色尚黑 易緯曰帝者天號也德配天地不私公位稱之曰帝天子者繼天治物改正一統各得其宜父天母地以養人至尊之號也大君者君人之



盛也 易書大傳曰天立五帝以為相四時施生法度  
明察春夏慶賞秋冬刑罰帝者任德設刑以象之言能  
行天道舉措審諦也 書正義曰帝者天之一名帝者  
諦也言天蕩然無心忘於物我公平通達舉事審諦故  
謂之帝也五帝道同於此亦能審諦故取其名 原尚  
書刑德考曰帝者天號也王者人稱也天有五帝以立  
名人有三王以正度天子爵稱也皇者煌煌也 韓詩  
外傳曰君者何曰羣也敢羣天下萬物而除其害者謂

之君 禮斗威儀曰帝者得其根核王者得其英華霸  
者得其附枝故帝道不行不能王王道不行不能霸霸  
道不行不能守其身 增春秋運斗樞曰皇者天天不  
言四時行焉百物生焉三皇垂拱無為設言而民不違  
道德玄泊有似皇天故稱曰皇皇者中也光也弘也含  
弘履中開陰布綱上合皇極其施光明指天畫地神化  
潛通煌煌盛美不可勝量 原春秋演孔圖曰正氣為  
帝間氣為臣秀氣為人 春秋考耀文曰王者往也人

所輸向人所樂歸

春秋繁露曰德侔天地者稱皇帝

天祐而子之稱天子

增孝經鉤命訣曰三皇步五帝

驟三王馳五霸驚接上稱天子明以爵事天接下稱帝

王明以號令臣下

原白虎通曰帝王者號也號者功

之表也所以表功明德號令臣下也

蔡邕獨斷曰上

者尊位所在也太史令司馬遷記事當言帝則依違之

但言上不敢泄瀆言尊號者尊王之義也乘輿出於律

文曰敢盜乘輿服御物謂天子所服食者也天子至尊

不敢泄瀆言之故託於乘輿也天子以天下為家不以  
京師宮室為常處當乘輿以行天下或謂之車駕天子  
自謂行在所今雖在京師言在所行也巡狩天下所奏  
事處皆為宮在長安則曰長安宮在泰山則曰泰山宮  
唯當時所在 增蔡邕曰稱朕古者上下共之臯陶與  
帝舜言稱朕屈原曰朕皇考至秦獨以為尊稱漢遂因  
之而不改也 獨斷曰陛階也所由升堂也天子必有  
近臣執兵陳於陛以戒不虞謂之陛下者羣臣與天子

言不敢指斥稱天子故呼在陛下而告之因卑達尊之義也獨斷曰百官小吏稱天子曰天家天子無外以天下為家故稱天家原六韜曰王者之道如龍之首高居遠望深視而審聽神其形而散其精若天高而不可極若川深而不可測故可怒而不可怒臣乃為虎可殺而不殺大賊乃發兵勢不行敵國乃強增又曰昔者帝堯之王天下金銀珠玉不飾錦繡文綺不衣奇怪珍異不視玩好之器不寶淫佚之樂不聽宮垣屋室不

聖夢楠椽楹不斲茅茨編廋不剪鹿裘禦寒布衣掩形  
糲粱之飯藜藿之羹不以役作之故害民耕織之時削  
心約志從事乎無為吏忠正奉法者尊其位廉潔愛人  
者厚其祿民有孝慈者愛敬之盡力農桑者慰勉之旌  
別淑慝表其門閭平心正節以法度禁邪偽所憎者有  
功必賞所愛者有罪必誅育養天下鰥寡孤獨振贍禍  
亡之家其自奉也甚薄其賦役也甚寡故萬民富樂而  
無饑寒之色百姓戴其君如日月親其君如父母老

子曰道大天大地大王亦大域中有四大而王居其一  
焉文子曰昔者聖人仰取象於天俯取度於地中取  
法於人調陰陽之氣和四時之節察陵陸水澤肥墪高  
下之宜以立事生財除饑寒之患辟疾疢之灾中受人  
事以制禮樂行仁義之道以治人倫列金木水火土之  
性以立父子之親而成家聽五音清濁六律相生之數  
以立君臣之義而成國察四時孟仲季之序以立長幼  
之節而成官列地而州之分國而治之立大學以教之

此治之綱紀也得道則舉失道則廢 又曰夫人君不

出戶而知天下者因物以識物因人以知人故積力之

所舉即無不勝也衆智之所為即無不成也千人之衆

無絕糧萬人之羣無廢功 原管子曰明一者皇察道

者帝通德者王謀得兵勝者霸 又曰黃帝立明堂之

議上觀於賢也堯有衢室之問下聽於民也舜有告善

之旌而主不蔽也禹立諫鼓於朝而備訊也湯有總街

之廷觀民非也武王有靈臺之宮賢者進也此古聖帝



明王所以有而勿失得而勿止也 增莊子曰夫帝王

之德以天下為宗以道德為主以無為為常無為也則  
用天下而有餘有為也則為天下用而不足 莊子注

至人不役志以經世而虛心以應物誠信著於天地不  
爭暢於萬物然後萬物歸懷天地不逆故德音發而天  
下響會景行彰而六合俱應而後始可以經寒暑涉治  
亂而不與逆忤也 鄧析子曰勢者君之輿威者君之

策臣者君之馬民者君之輪勢固則輿安威定則策勁

臣順則馬良民和則輪利為國失此必有覆車奔馬折

輪敗載之患 原韓子曰明王制其臣下者二柄而已

矣二者刑德也殺戮之謂刑慶賞之謂德 增韓非子

曰君無見其所欲君見其所欲臣將自雕琢君無見其

意君見其意臣將自表異 原孫卿子曰人主者守至

約而詳事至狹而切垂衣裳不下簾席之上而海內之

民莫不願得以為帝王 董子曰古之人造文字者三

畫而連其中謂之王三畫者天地與人也連中者通其

道也取天地與人之才而參之非王者其孰能當尸

子曰孔子曰商汝知君之為君乎子夏曰魚失水則死  
水失魚猶為水也孔子曰商知之矣 呂氏春秋曰始

生者天也養成者人也能養天之所生而為天子 又

曰五帝先道而後德故德莫盛焉三王先德而後事故  
事莫功焉五霸先事而後兵故兵莫強焉 淮南子曰

帝者體太一王者法陰陽霸者則四時君者應六律體  
太一者牢籠天地彈壓山川含吐陰陽申洩四時紀綱

八極經緯六合覆露照導普汜而無私翺飛蠕動莫不仰德而生法陰陽者承天地之和形萬類之體含氣化物以成形類則四時者春生夏長秋收冬藏取與有節出入有時開闔張斂不失其序喜怒剛柔不雜其理用六律者生之與殺也賞之與罰也予之與奪也非此無道又曰人主者以天下之目視以天下之耳聽以天下之智慮以天下之力動是故號令能下究而臣情得上聞百官修道羣臣輻輳喜不以賞賜怒不以罪誅

增又曰人主之術處無為之事而行不言之教清靜而  
不動一度而不搖因循而任下責成而不勞是故心知  
規而師傅諭導口能言而行人稱辭足能行而相者先  
導耳能聽而執政進諫是故慮無失策謀無過事言為  
文章行為儀表於天下 又曰古之王者冕而前旒所  
以蔽明也黈纁塞耳所以掩聰也天子外屏所以自障  
也故所理者遠則所在者邇所治者大則所守者少  
董仲舒曰天者羣物之祖也故徧覆包含而無所殊建

日月風雨以和之經陰陽寒暑以成之故聖人法天而立道亦溥愛而無私布德施仁以厚之設義存禮以導之春者天之所以生也仁者君之所以愛也夏者天之所以長也德者君之所以養也霜者天之所以殺也刑者君之所以罰也由是言之天人之徵古今之道也

董子曰為人君者正心以正朝廷正朝廷以正百官正百官以正萬民正萬民以正四方四方正遠近莫不一於正而無有邪氣奸其間者是以陰陽調而風雨時羣

生和而萬民殖五穀熟而草木茂天地之間被潤澤而  
大豐美四海之內聞盛德而皆來臣諸福之物可致之  
祥莫不畢致而王道終矣 說苑齊宣王謂尹文曰人  
君之事何如尹文對曰人君之事無為而能容下夫事  
寡易從法省易因故民不以政獲罪也大道容衆大德  
容下聖人寡為而天下理矣 桓譚新論曰夫上古稱  
三皇五帝而次有三王五霸此皆天下君之冠首也故  
言三皇以道治五帝用德化三王由仁義五霸以權智

其說曰無制令刑罰謂之皇有制令而無刑罰謂之帝  
賞善誅惡諸侯朝事謂之王興兵約盟以信義矯世謂  
之霸王者往也言其惠澤優游天下歸往也王道純粹  
其德如彼霸道駁雜其功如此俱有天下而君萬民垂  
統子孫其實一也 文中子關朗曰聖人輔相天地準  
繩陰陽恢皇綱立人極修策迥馭長羅遠駕昭治亂於  
未然算成敗於無兆 原帝王世紀曰孔子稱天子之  
德感天地洞八方是以化合神者稱皇德合天地者稱



帝仁義合者稱王 又曰禮稱至道以王義道以霸觀  
高祖之取天下也遭秦暴亂不階尺寸之資不握將相  
之柄發迹泗亭奮其智謀銜勒英雄鞭驅天下或以德  
致或以義成事以權斷順逆不常霸王之道雜焉是以  
居帝王之位而無一定之制三代之美固難及矣 增  
前漢東方朔曰本仁祖義褒有德錄賢能誅惡亂總遠  
方一統類美風俗此帝王所由昌也 漢刑法志曰天  
子畿方千里提封百萬井定出賦六十四萬井戎馬四

萬匹兵車萬乘故稱萬乘之主 宋志曰夫體睿窮幾

含靈獨秀謂之聖人所以能君四海而役萬物使動植  
之類莫不各得其所百姓仰之懽若親戚芳若椒蘭故  
為旗章輿服以崇之玉璽黃屋以尊之以神器之重推  
之於兆民之上自中智以降則萬物之為役者也 原

宋玉九辯曰君之門以九重 增班固答賓戲曰其君

天下也炎之如日威之如神涵之如海養之如春譬猶  
草木之植山林鳥魚之毓川澤參天地而施化豈云人

事之厚薄哉 原漢雜事錄曰古者天子稱皇其次稱  
王秦承百王之末為漢驅除自以德兼三皇五帝故并  
為號 增漢雜事錄曰漢有天下號曰皇帝自稱朕人  
臣稱之曰陛下其命令曰制詔衣冠車馬器械百物曰  
乘輿所在曰行在所至曰幸所居曰某禁中所進曰御  
風俗通曰易稱天先春而後秋地先生而後凋日月  
先光而後幽是以王者則之亦先教而後刑三皇結繩  
五帝畫像三王肉刑五霸黠巧此言步驟稍有優劣也

蔣濟萬機論曰五帝官天下故傳之賢三王家天下  
故傳之子今指天子為官家則猶言帝王也 資暇集

曰至尊以天下為宅四海為家故曰宅家 唐書太宗

曰人主惟有一心而攻之者甚衆或以勇力或以辨口  
或以諂諛或以奸詐或以嗜欲輻輳攻之各求自售以  
取寵祿人主少懈而受其一則危亡隨之此其所以難  
也 魏徵曰求木之長者必固其根本欲流之遠者必  
浚其泉源思國之安者必積其德義源不深而望流之

遠根不固而求木之長德不厚而思國之安臣雖至愚  
知其不可而況於明哲乎凡昔元首承天景命善始者  
實繁克終者蓋寡豈取之易守之難乎蓋在殷憂必竭  
誠以待下既得志則縱情以傲物竭誠則吳越為一體  
傲物則骨肉為行路怨不在大可畏惟人載舟覆舟所  
宜深戒誠能見可欲則思知足以自戒將有作則思知  
止以安人念高危則思謙沖而自牧懼滿盈則思江海  
下百川樂盤遊則思三驅以為度憂懈怠則思慎始而

敬終慮壅蔽則思虛心以納下懼讒邪則思正身以黜  
惡恩所加則思無因喜以謬賞罰所及則思無以怒而  
濫刑總此十思弘茲九德簡能而任之擇善而從之文  
武並用垂拱而治何必神勞苦思代百司之職役哉

陸贄曰愚智兼納洪纖靡遺蓋之如天容之如地垂旒  
黼纁而紕其聰察匿瑕藏疾而務於包容不示威而人  
畏之如雷霆不用明而人仰之如日月此天子之德也  
司馬光曰人君大德有三曰仁曰明曰武仁者非姬

煦姑息之謂也興教化修政治養百姓利萬物此人君之仁也明者非煩苛伺察之謂也知道詛識安危別賢愚辨是非此人君之明也武者非強亢暴戾之謂也唯道所存斷之不疑奸不能惑佞不能移此人君之武也蘓軾曰人君以至誠為道以至仁為德守此二言終身不易堯舜之至也何謂至誠上自大臣下至小民內自親戚外至四夷皆推赤心以待之不可以絲毫偽也絲毫之偽一萌於心如人有病先見於脈如人飲酒先

見於色聲色動於幾微之間而猜阻行於千里之外矣  
何謂至仁親臣如手足視民如赤子戢兵省刑時使薄  
斂行此六事而已 程子曰君道之大在乎稽古正學  
明善惡之歸辨忠邪之分曉然趨道之至正又在乎君  
志先定君志定而天下之志成矣夫義理不先定則多  
聽而易惑志意不先定則守善而或移惟在以聖人之  
訓為必當從以先王之治為必可法不為後世駁雜之  
政所牽滯不為流俗因循之論所遷改信道極於篤自



知極於明去邪勿疑任賢勿貳必期致治於三代之隆  
而後已也然天下之事患嘗生於忽微而志亦戒乎漸  
習故古之人君雖從容燕閒必有訓誦箴諫左右前後  
罔匪正人所以輔成德業誠能尊禮老成訪求儒學之  
士不勞以官職俾日親便坐講論道義又博訪俊彥陪  
侍法從朝夕延見講磨治體則睿知益明王猷允塞

朱子曰天子至尊無上其居處則內有六寢六宮外有  
三朝五門其嬪御侍從飲食衣服貨賄之官皆領於冢

宰其冕弁車旗宗祝巫史卜筮瞽侑之官皆領於宗伯  
有師以道之教訓有傅以傳其德義有保以保其身體  
有師氏以媿詔之有保氏以諫其惡前有疑後有丞左  
有輔右有弼其侍御僕從罔匪正人以旦夕承弼厥辟  
出入起居罔有不欽發施號令罔有不臧在輿有旅賁  
之規位宁有官司之典倚几有訓誦之諫居寢有瞽御  
之規臨事有瞽史之道寓居有工師之誦史有書瞽奏  
詩工誦箴諫大夫規誨士傳言庶人謗商旅議於市百

工獻藝動則左史書之言則右史書之御瞽幾聲之上  
下不幸而至於有過則又有諍臣七人面折廷爭以正  
救之蓋所以養之備至於如此是以恭己南面中心無  
為以守至正而貌之恭足以作肅言之從足以作又視  
之明足以作哲聽之聰足以作謀思之睿足以作聖然  
後能以八柄馭羣臣以八統馭萬民而賞無不慶刑無  
不威遠無不至邇無不服 胡寅曰人君為天之子而  
居天位必有天德何謂天德剛健中正純粹是也剛則

不屈健則不息中則不倚正則不邪純則不已粹則不  
雜具此六者天德全矣德既與天並位又以天居其在  
天下之賢人則視其德之大小器之深淺列於庶位使  
之代天工治天職食天祿以覆四海則五典敷而天序  
建五禮庸而天秩行五刑用而天罰當山川攸寧鳥獸  
若草木裕四民安業夷狄賓服而天德之施與天同功  
天子之能事畢矣 真德秀曰人君以一身履至尊之  
位四方輻輳面內而環向之此天下之至中既居天下

之至中則必有天下之絕德而後可以立至極之標準  
故必順五行敬五事以修其身厚八政協五紀以齊其  
政然後至極之標準卓然有以立乎天下之至中使夫  
面內而環觀者莫不於此取則焉是則所謂皇極者也  
又曰先聖贊易於乾曰君子以自強不息謂其體天  
之剛健也於坤曰君子以厚德載物謂其法地之博厚  
也不體乎乾無以宰萬物不法乎坤無以容萬物 楊  
萬里曰六合塵清四海波靜高堂拱堯舜之君重席坐

臯夔之佐刑措而日轉棠陰兵寢而風清紫塞以上治  
則四時調於玉燭而五星協於珠囊以下治則嘉禾為  
之擢秀而醴泉為之薦祉以內治則家為詩書戶為禮  
樂以外治則邊亭不鼓烽燧不煙太平極治之效超三  
軌五絕遠光前矣

帝王總載二

原天皇顏竣始學篇曰天地立有天皇十三頭號天靈  
各萬八千歲

洞冥記曰一姓十三人也徐整三五歷紀  
云歲起攝提元氣肇有神靈一人有十三

頭號天皇春秋緯云天皇地皇人皇兄弟九人分九州長天下也適甲開山圖云天皇被跡在柱州崑崙山下

地皇始學篇曰地皇十一頭各八千歲

適甲開山圖曰地皇興於

龍門熊

耳山

人皇始學篇曰人皇九頭兄弟各三百歲依

山川土地之勢財度為九州各居其一方因是而區別

榮氏云人皇兄弟九人

有巢氏始學篇曰上古皆穴

生於荆馬山身九色

處有聖人教之巢居號大巢氏

皇甫謐以為有巢在女媧之後適甲開山圖曰

石樓山在瑯琊昔有巢氏治此山南

燧人氏尚書大傳曰燧人為燧皇

以火紀官

禮含文嘉曰燧人始鑽木取火炮生為熟令人無腹疾遂天之意故為燧人

太

吳庖犧氏帝王世紀曰太昊帝庖犧氏風姓也蛇身人首有聖德燧人氏沒庖犧代之繼天而王首德於木為

百王先帝出於震未有所因故位在東方主春象日之明是稱太昊都陳制嫁娶之禮取犧牲以充庖厨故號

庖犧氏是為犧皇後世音謬謂之伏犧或謂之密犧

解一

云虛古伏字後誤以處為密故曰密犧左傳曰伏犧氏以龍紀官拾遺記曰周易云伏羲俯仰二儀經綸萬象至德備於冥昧神化通於精粹是以圖書著其跡河洛表其文變太素之質改淳遠之化三才之位既立四維之義乃張禮樂之物自茲而始

帝女媧氏帝王世紀曰女媧氏亦風



姓也承庖犧制度亦蛇身人首一號女希是為女皇

增淮

南子曰往古之時四極廢九州裂女媧鍊五色石以補蒼天斷鼃足以立四極蒼天補四極正考其功烈上際九天下契黃壚名聲被後世光輝動萬物乘雷車駕應龍驂青蚪援絕瑞席蘿圖黃雲絡前白螭後奔道鬼神登九天朝帝於靈門原按女媧氏未有諸侯共工氏任知刑以強伯而不王以水承木非行次故易不載及女媧氏沒次有大庭氏柏皇氏中央氏栗陸氏驪連氏赫胥氏尊盧氏混沌氏有巢氏朱襄氏葛天氏陰康氏無懷氏凡十五世

皆襲庖犧之號

炎帝神農氏帝王世紀曰神農氏姜

姓也長於姜水有聖德以火承木位在南方主夏故謂之炎帝都於陳在位百二十年而崩至榆罔凡八世合

五百三十年

陸景典語曰神農嘗草別穀蒸民乃粒食

黃帝有熊氏帝王

世紀曰黃帝少典之子姬姓也生於壽丘長於姬水有

聖德受國於有熊居軒轅之丘故因以為名以上德王

有妃生二十五子在位百年而崩年百一十歲或傳以

為仙或言壽三百歲故宰我疑以問孔子孔子曰人賴

其利百年而崩人畏其神百年而亡人用其教百年而

移故曰三百年

增孫綽子曰黃帝之遊天衢奏鈞天之鼓建日月之旗乘瑤雲之輿駕六翼之

龍彭祖前驅松喬夾轂光景流而不見長風逐而不及發軔紫宮不崇朝而匝六合也原封禪書黃帝得仙上

天羣臣奠其衣冠又帝王世紀曰或言壽三百歲葬於上郡陽周之橋山

少昊金天氏帝

王世紀曰少昊帝名摯字青陽姬姓也降居江水邑於

窮桑以登帝位都曲阜在位百年而崩

古史考曰少昊以金德王故號

金天氏或曰宗師太皞之道故曰少皞

帝顓頊高陽氏帝王世紀曰顓

頊黃帝之孫昌意之子姬姓也生於弱水首戴干戈有

聖德二十登帝位以水承金位在北方主冬以水事紀

官始都窮桑後都商丘在位七十八年年九十八歲又

使南正重司天以屬神北正黎司地以屬民於是神民不雜萬物有序歲在鶉火而崩葬東郡頓丘廣陽里

帝嚳高辛氏帝王世紀曰帝嚳姬姓也有聖德三十

而登帝位都亳以木承火在位七十年年一百五歲而

崩葬東郡頓丘廣陽里

陶弘景云在位六  
十三年年九十二

帝堯陶唐

氏帝王世紀曰堯伊祁姓也從母姓伊祁氏受封於唐

年二十而登帝位以火承木都平陽凡堯即位九十八

年年一百一十八歲乃殂百姓如喪考妣三載四海遏

密八音

增後漢李固傳曰堯殂之後舜仰慕三年坐則  
見堯於牆食則見堯於羹原葬於濟陰之成陽

西北是  
為穀林

帝舜有虞氏帝王世紀曰舜姚姓也其先出

自顓頊顓頊生窮蟬窮蟬有子曰敬康敬康生勾芒勾  
芒有子曰橋牛橋牛生瞽瞍瞽瞍妻曰握登生舜於姚  
墟故姓姚氏名重華字都君有聖德始遷於負夏販於  
頓丘債於傳虛家本冀州每徙則百姓歸之堯以二女

娥皇女英妻之

孟子曰堯之於舜也使其子九男事之  
二女女焉百官牛羊倉廩備以養舜於

畎畝之中後舉  
而加諸上位

耕於歷山之陽耕者讓畔漁於雷澤漁

者讓淵陶於河濱陶者器不窳堯於是乃命為司徒試  
以五典舉八元八凱四惡除而天下咸服遂納於大麓

烈風雷雨弗迷堯乃命舜代已攝政明年五月帝始受  
終文祖以太尉行事舜攝政二十八年而堯崩三年喪  
畢舜八十一以仲冬甲子次於畢始即真以土承火色  
尚黃以正月元日格於文祖申命九官十二牧以禹為  
司徒舜年八十一即真八十三而薦禹九十五而使禹  
攝政攝政五年有苗氏叛南征崩於鳴條殯以瓦棺葬  
於蒼梧九疑山之陽是為零陵謂之紀市在今營道下  
有羣象為之耕

尚書曰舜生三十登庸三十在位五十  
載陟方乃死孔安國註通服堯喪三年

其一共三十之數  
凡壽百一十歲

伯禹帝夏后氏帝王世紀曰禹姁

姓也其先出顓頊顓頊生鯀堯封為崇伯生禹於石紐

名文命字高密長於西羌西夷人也堯命以為司空繼

鯀治水十三年而洪水平堯美其績乃賜姓姁氏封為

夏伯故謂之伯禹天下宗之謂之大禹及堯崩舜復命

居故官禹年七十四舜始薦之於天薦後十二年舜老

始使禹代攝行天子事五年舜崩禹除舜喪明年始即

真以金承土都平陽或都安邑年百歲崩於會稽因葬

會稽山陰之南今山上有禹塚并祠下有羣鳥芸田又云禹葬衣衾三領桐棺三寸葛以繡之下不及泉上不通晷既葬收餘壤為壠若參耕之畝始納塗山氏之女

生子啓即位

皇甫謐云自禹至桀并數有窮凡十九王合四百三十二年禹一啓二太康三仲康

四相五羿六寒浞七少康八杼九槐十芒十一泄十二降十三扃十四廛十五孔甲十六皐十七癸十八桀十九

商殷帝王世紀曰殷出自帝嚳子姓也有聖德諸

侯不義者湯從而征之將伐桀先滅韋顧昆吾遂戰於鳴條之野桀奔於南巢之山湯乃即天子之位以水承



金始居亳為天子十三年年百歲而崩湯娶有莘氏女

為正妃生太子丁外丙仲壬太子早卒外丙代立

皇甫謚云

商之饗國也三十一王自見居位者實三十王而言三十一也  
兼數太子丁也自湯得位至紂凡六百二十九  
年成湯一外丙二仲壬三太甲四沃丁五太庚六小甲  
七雍已八太戊九仲丁十外壬十一河亶甲十二祖乙  
十三祖辛十四沃甲十五祖丁十六南庚十七陽甲十八  
盤庚十九小辛二十小乙二十一武丁二十二祖庚二十三  
祖甲二十四康辛二十五庚丁二十六武乙二十七太丁  
二十八帝乙二十九紂三十商書曰成湯既沒太甲元年  
孔安國註云太甲太丁子湯孫也太丁未立而卒及湯沒而  
太甲立稱元年謚法殘義損善曰紂敗於牧野懸首白旗從  
黃帝至紂三十六世紂二年納妲己二十年囚文王三十年  
武王觀兵於孟津

周帝王世紀曰周姬姓也文王始修政三年而天下二分歸之入為紂三公年十五而生太子發文王九十七而崩太子發代立是為武王武王二年觀兵於孟津之上四年始伐殷為天子以木承水自鄴徙都鎬武王崩年九十三

尚書中候曰太子發以紂存三仁雖即位不稱王

太子誦代立是

為成王春秋元命苞曰文王造之而未遂武王遂之而未成周公旦總少主而成之故曰成王

皇甫謐曰自尅殷至秦滅周之

歲凡三十七王八百六十七年武王一成王二康王三昭王四穆王五恭王六懿王七孝王八夷王九厲王十

宣王十一幽王十二平王十三桓王十四莊王十五釐  
王十六惠王十七襄王十八頃王十九匡王二十定王  
二十一簡王二十二靈王二十三景王二十四悼王二  
十五敬王二十六元王二十七貞定王二十八哀王二  
十九思王三十考王三十一威烈王三十二安王三十  
三烈王三十四顯王三十五慎觀王三十六赧王三十  
七

秦帝王世紀曰秦嬴姓也昔伯翳為舜主畜多故

賜姓嬴氏孝襄公始修霸業壞井田開阡陌天子命為  
伯至昭襄王自稱西帝攻周廢赧王取九鼎至莊襄王  
滅東西周莊襄王崩政立為始皇帝并天下置三十六  
郡自以水德故以十月為正色尚黑使蒙恬築長城焚

詩書百家之言坑儒士四百六十人三十七年崩於沙

丘平臺年五十

皇甫謐云自昭襄王滅周至子嬰凡四王二帝合四十九年昭襄王一孝文王

二莊襄王三始皇帝四胡亥五子嬰六又帝王世紀曰秦改鎬曰咸陽都焉為漢驅除不求五運別以水德王秦自始封至滅三十六世合六百五十年秦顓頊之後也先世造父之為穆王御有功封之於趙城國為趙氏也與簡子同祖嬴姓也秦亦在水火之間漢德帝王世紀曰漢出自帝堯

劉姓也豐公生執嘉即太上皇也太上皇之妃曰媼是為昭靈后生子邦字季是為漢高皇帝秦二世元年諸侯叛秦沛人共立為沛公二年入武關至灞上秦王子

嬰降項羽自立為西楚霸王立沛公為漢王王巴蜀漢  
元年還攻雍遂定三秦五年破楚王羽於垓下追斬於  
東城天下始定春正月楚王韓信等請尊為皇帝二月  
即位於定陶汜水之陽都長安十二年崩於長樂宮年

六十二初納呂公之女謂之高皇后生太子盈代立

按前

漢十二帝高祖一惠帝二高后三文帝四景帝五武帝  
六昭帝七宣帝八元帝九成帝十哀帝十一平帝十二  
王莽立孺子嬰居攝三年篡位十五年更始立二年皇  
甫謚曰自高帝元年至更始二年凡得二百三十年

後漢帝王世紀曰光武皇帝出自景帝也

袁宏漢紀  
曰南頓令

欽生名秀字文叔更始元年為偏將軍破王邑殺王尋  
光武

誅王郎更始二年立為蕭王建武元年四月更始降赤

眉六月光武即帝位於常山鄆之陽千秋亭都洛陽在

位三十三年中元二年二月崩於洛陽南宮年六十二

太子莊代立是為孝明皇帝袁山松後漢書曰明帝諱

陽一名莊字子麗

按後漢書十二帝光武一明帝二章  
帝三和帝四殤帝五安帝六順帝七

冲帝八質帝九桓帝十靈帝十一獻帝十二皇甫謐云  
自漢元年至更始二年凡二百一十二年自居攝元年  
至更始二年凡十八年自建武元年至延康元年凡一  
百九十五年凡漢前後并諸廢帝及王莽合三十一帝

共四百六十二年

增蜀漢通鑑曰帝名備漢景帝子中山靖

王之後獻帝末累官至益州牧曹丕篡漢遂正位於成

都在位三年改元章武壽六十二

子禪嗣立是為後主在位四十一年為魏

所滅二帝合四十四年

原魏

土德

帝王世紀曰魏曹姓也武皇帝

諱操字孟德漢建安二十四年進爵為魏王改二十五

年為延康元年春正月崩於洛陽年六十六太子丕代

立是為文皇帝其年冬十月受漢禪改延康元年曰黃

初都洛陽黃初七年崩年四十

皇甫謐云自黃初元年至禪晉之歲凡五帝合

四十五年文帝一明帝二廢帝齊  
王三廢帝高貴鄉公四元帝五

增吳姓孫氏名權

長沙太守堅次子也堅起兵討董卓入洛陽修諸陵寢  
長子策據江東謀襲許以迎漢帝權藉父兄餘烈屈事

曹魏丕封為吳王後乃稱帝都建業在位三十一年壽

七十一

按三國志自吳大帝至帝皓凡四帝合五十九  
年為晉所滅大帝一帝亮二景帝三帝皓四

原晉

金德

晉書曰武皇帝諱炎字安世河內溫縣人姓

司馬氏太始元年升壇受禪禮畢即位洛陽宮追尊宣

王為宣皇帝

武帝祖

景王為景皇帝

武帝伯父

文王為文皇帝



武帝太熙元年崩年五十五

立二十六年太子東嗣是為惠帝按晉書自武帝至

恭帝凡一十五帝合一百六十五年禪於宋也武帝一惠帝二懷帝三愍帝四以上西朝都洛陽元帝五明帝六成帝七康帝八穆帝九哀帝十廢帝十一簡文帝十二孝武帝十三安帝十四恭帝十五以上東朝都建業今潤州江寧縣是也

增宋文獻通考曰高祖武皇帝彭城綏輿

里人姓劉氏名裕以庚申受晉禪即位改元永初時年

五十七在位三年壬戌崩壽六十

按宋書自高祖至順帝凡八帝合六十年

禪於齊也高祖一少帝二文帝三孝武帝四前廢帝五明帝六後廢帝七順帝八俱都建業

齊文

獻通考曰高帝東海蘭陵郡人姓蕭名道成以己未歲

受宋禪改元建元時年五十二在位四年壬戌崩壽五

十六

按齊書自高帝至和帝凡六帝合二十二年禪於梁也高帝一武帝二廢帝三明帝四廢帝五和帝

六

梁文獻通考曰武帝南蘭陵中都人姓蕭名衍以

壬午歲受齊禪改元天監時年三十五在位四十八年

己巳崩壽八十六

按梁書自武帝至敬帝凡四帝合五十六年而禪於陳也武帝一簡文帝

二孝元帝三敬帝四梁亂昭明太子統之子名譽奔西魏立為梁王徙江陵稱帝在位七年傳子明帝在位二十四年明帝傳子帝琮在位二年隋文帝廢之

陳文獻通考曰武帝吳興長

城下若里人姓陳氏名霸先以丁丑受梁禪改元永定

時年五十四在位三年己卯崩壽五十七

按陳書自武帝至後主凡

五帝合三十三年隋滅之武帝一文帝二廢帝三宣帝四後主五

北朝後魏德文獻

通考曰道武其先世為代北鮮卑君長姓拓跋氏名珪

以丙戌即代王位郊天改元十三年戊戌取燕即帝位

又十二年己酉為拓跋紹所弑壽三十九

按北史自道武帝至恭帝

凡十五帝合一百七十一年道武帝一明元帝二太武帝三文成帝四獻文帝五孝文帝六宣武帝七孝明帝八孝莊帝九節閔帝十以上建都平城今山西大同府是也孝武帝十一為高歡所迫奔依宇文泰於關中是為西魏今陝西西安府是也孝靜帝十二帝清河王世子孝武既奔關中高歡乃奉靜帝立之遷都鄴是為東

魏今河南彰德府是也西魏傳孝文帝十三廢帝十四恭帝十五禪於周東魏止孝靜帝一世傳於齊

北齊文獻通考曰文宣帝渤海人姓高氏名洋神武王

歡之次子以庚午受魏禪改元天保在位十年己卯崩

壽三十一

按北史自文宣帝至後主凡五帝合三十八年為周所滅文宣帝一廢帝二孝昭帝三武

成帝四後主五

北周德文獻通考曰孝閔帝姓宇文氏名覺

代郡武川人文王泰之長子以丙子受魏禪在位一年

丁丑為晉公護廢而弑之壽十六

宇文護立其弟毓是為明帝按北史自孝

閔帝至靜帝凡五帝合二十六年禪於隋也

隋火文

獻通考曰文帝弘農華陰人姓楊氏名堅以辛丑受魏

禪改元開皇在位二十四年甲子崩壽六十四

按隋書自文帝

至恭帝凡三帝文帝一煬帝二字文化及弒之唐公  
李淵立煬帝之孫侑是為恭帝在位一年即禪於唐

唐德土文獻通考曰高祖隴西成紀人姓李氏名淵以丁

丑自太原留守起兵戊寅受隋禪即位改元建都長安

時年五十三在位九年丙戌傳位太宗稱太上皇又十

年乙未崩壽七十一

太宗名世民高祖次子唐有天下太宗之功居多兄建成弟元吉謀

欲殺之太宗遂殺建成元吉因傳位焉改元貞觀在位  
二十三年按唐書自高祖至哀帝凡二十帝合二百九

十年禪於梁也高祖一太宗二高宗三中宗四即位三月武后廢為廬陵王後二十二年始復辟在位五年睿宗五明皇六肅宗七代宗八德宗九順宗十憲宗十一穆宗十二敬宗十三文宗十四武宗十五宣宗十六懿宗十七僖宗十八昭宗十九哀帝二十

後梁文獻通考曰太祖宋州碭

山縣人姓朱氏名晃初名溫賜名金忠以丁卯受唐禪

改元即位建都汴梁年五十六在位六年壬申為其子

郢王友珪所弑年六十一

太祖第四子均王瑱討友珪誅之以癸酉嗣立在位十一

年唐兵入汴為其下所弑二帝合十七年

後唐文獻通考曰莊宗沙陀人

姓朱邪氏名存勗先世仕唐賜姓李氏父克用以平黃

巢功封晉王存勗嗣癸未稱帝滅梁在位四年丙戌兵

亂中流矢崩壽四十二

按五代史後唐四帝合十四年莊宗一明帝二閔帝三末帝四

晉滅之

後晉

金德

文獻通考曰高祖太原汾陽里人姓石

氏名敬瑭丙申以北京留守舉兵入洛遂即帝位在位

七年壬寅崩壽五十

子重貴嗣立是為少帝在位四年契丹入汴北還於黃龍府壽三十

四

後漢

水德

文獻通考曰高祖太原人姓劉氏名暉初

名知遠因契丹入大梁執末帝遂以丁未歲即位於晉

陽繼遷都於汴在位二年戊申崩壽五十四

子承祐嗣立是為隱

帝在位二年  
為郭威所滅

後周德木文獻通考曰太祖邢州堯山人

姓郭氏名威辛亥以鄴都留守入汴即帝位在位三年

癸丑崩壽五十一

世宗嗣立名榮本姓柴氏太祖養子在位六年子恭帝嗣在位一年禪於

宋三帝  
合十年

宋火德文獻通考曰太祖姓趙氏名匡胤其先

涿郡人皇考始遷洛陽太祖初仕周為殿前都點檢歸

德節度使周恭帝幼契丹入寇將兵禦之至陳橋驛將

士擁還汴遂受禪即位時年三十三在位十七年丙子

崩壽五十

按宋史自太祖至靖康之變凡九帝歷一百六十八年太祖一太宗二真宗三仁宗四英



宗五神宗六哲宗七徽宗八欽宗九金兵陷汴擁帝及上皇北行終於五國城是為北宋

南宋文

獻通考曰高宗名構徽宗第九子母顯仁韋太后初封

康王金兵陷汴梁二帝北狩以丁未嗣立於臨安今浙江

府州時年二十一在位三十六年壬午內禪於太子又二

十五年丁未崩壽八十一按南宋自高宗至帝昺凡九世歷一百五十五年高宗一

孝宗二光宗三寧宗四理宗五度宗六孝恭帝七端宗八帝昺九元滅之遼續文獻通考

曰太祖姓耶律氏名億字按巴堅小字多爾濟契丹德

呼勒部錫蘭尼錫林鄉耶律摩哩人德祖皇帝長子母曰

宣簡皇后蕭氏唐咸通十三年生天復元年哈陶津汗  
立以為本部額爾欽專征伐破敵有功三年拜裕悅  
總知軍國事五年哈陶津汗崩羣臣奉遺命立為主  
九年建元稱帝在位十一年崩壽五十五

按遼史自太祖至天祚凡

九帝歷二百九年太祖一太宗二世宗三穆宗四景  
宗五聖宗六興宗七道宗八天祚帝九為金所滅

金續文獻通考曰太祖姓完顏氏名阿固達生女直部  
節度使烏雅舒之弟元魏時有粟米黑水等七部至隋  
有靺鞨居古肅慎地唐初有粟米靺鞨黑水靺鞨二部

後粟米滅黑水繫遼籍者號熟女真不籍者號生女真  
避興宗諱改女直傳至阿固達自稱都貝勒宋政和

四年集所部兵擊遼西皆降乃稱帝更名炁國號金在  
位五年太祖崩弟武奇邁嗣立是為太宗宋宣和七年

滅遼後二年陷汴盡有中原關內之地在位十三年

按金

史自太祖至哀帝凡九帝歷一百十九年太祖一太宗  
二熙宗三煬王四世宗五章宗六允濟帝七宣宗八哀  
帝九宋元  
元續文獻通考曰太祖姓怯特氏名特穆

合滅之

津蒙古部人部長伊蘇克依之子其先博端徹爾九傳

至伊蘇克依生帝既長深沉有大略諸部歸降宋開禧三年即位於鄂諾河滅國四十平西夏定西域侵宋州郡在位二十二年四傳至世祖名呼必賚宋開慶元年即位開平稱色辰皇帝建國號元歷二十年宋亡始混一

天下都大都

今順天府

在位三十五年壽八十

按元史自太祖至順帝凡

十四帝合一百六十三年太祖一太宗二定宗三憲宗四世祖五成宗六武宗七仁宗八英宗九泰定帝十明宗十一文宗十二寧宗十三順帝十四

明續文獻通考曰太祖濠之泗

州人姓朱氏名元璋字國瑞仁祖第四子初潛龍皇覺

寺元至正十五年起義兵丁酉下金陵丁未即吳王位

以戊申歲為洪武元年正月稱帝國號明在位三十一

年崩壽七十一

自太祖至愍帝凡十六帝合二百七十六年太祖一建文二成祖三仁宗四宣

宗五英宗六景帝七憲宗八孝宗九武宗十世宗十一穆宗十二神宗十三光宗十四熹宗十五懷宗十六

帝王總載三

原犧軒

炎昊

並詳總載二

九舜

十堯

桓範要論曰責公者易雖一賢

少繆執難者衆雖九舜猶亂韓非子曰今夫堯舜生而在上位雖有十桀而不能亂者則勢安也桀紂亦生而在上位雖有十堯舜而不能化之者則勢亂也

白帝

玄王

河圖曰白帝朱宣朱均曰

少昊氏 湯之始祖

契曰玄王詳帝系

雲名 火紀並詳 大庭 少

昊

上詳應運

六羽

九翼

春秋命歷序曰人皇氏九頭駕六羽乘雲谷口河

圖曰天皇九翼是名旋復

若水

塗山

上詳登庸下詳帝誕

生翼 在房

玄鳥

赤龍

夢日

感星

繞星

貫月

以上並詳帝誕

珠庭

玉理

四乳

八睂

重瞳

駢齒

龍顏

鳥喙

望廣

視豐

鱗身

牛首

戴干

懷斗

以上並詳奇表

昭華

延喜

尚書大傳曰舜耕於歷山夢睂與髮等堯妻以二女屬其九子

也贈以昭華之玉下詳符命

握河

沉洛

金牛

玉馬

以上並詳祥瑞

溫洛 滎河

並詳符命

大君 元后

周易曰大君有命開國承家尚書

曰可愛非君可畏非民衆非元后何戴

出震

開階

周易曰帝出乎震齊乎巽下詳符

命

當宁

置圖

禮記曰天子當扆而立諸侯北面而見天子曰覲天子當宁而立諸公東

面諸侯西面曰朝

春秋孔演圖

按轡

垂拱

陸子曰三

曰王者當置圖錄坐旁以自正也

皇垂拱五帝垂手唐虞按轡禹湯馳轅雖使周公御衡

仲尼促節固不已也

應劭風俗通曰皇天不言四時

行焉百物生焉三皇垂拱

時乘

或躍

周易曰時乘六龍以御天

無為有似皇天故稱曰皇

又曰九四

纂堯

授舜

上見漢高祖述禮記曰堯授舜舜授禹湯放桀武

或躍在淵

王伐

擊壤

鼓腹

並詳帝治

垂衣

卷領

上詳帝治淮南子曰古

紂

有鑿頭而卷領以治天下注曰古者蓋三皇以前鑿頭  
著兜帽言未知制冠卷領皮衣屈而袂之如今朝韋襲  
反攝以  
為領  
鶉居  
掬飲  
上詳儉德  
禮記曰蕢桴而土  
鼓汙樽而抔飲鄭注汙樽抔飲

以手  
掬之  
攣領  
結繩  
晏子曰古者有絺衣攣領而  
垂  
王天下者矣  
下詳帝治

筴  
委裘  
陸子曰三皇垂筴而五帝擊手  
呂  
氏春秋曰堯之官若委裘以言事少  
禮記  
櫓巢

營窟  
晏子曰古有處櫓巢而王天下者矣  
禮記  
曰昔者先王冬則居營窟夏則居櫓巢焉

則地  
揆天  
黃石公三略曰帝者體天則地有言有令  
而天下太平  
文子曰伏羲氏之王天下

功揆  
天地  
就日  
望霓  
上詳帝德  
孟子曰湯一征自葛  
戴天下信之人望之若大旱之望

雲霓  
也  
合神  
順命  
上詳總載一  
春秋元命苞曰天  
道煌煌非一帝之功王者赫赫非



一家之常順命者存逆命者亡

大德鴻名

易曰天地之大德曰生

守位曰仁何以聚民曰財司馬相如封禪書曰前聖之所以永保鴻名常為稱首者也

明一

通三

並詳總載一

合元順紀

何休注公羊傳曰德合於元者稱皇大戴禮曰黃

帝順天地之紀者也

巍巍

翼翼

論語曰巍巍乎惟天為大惟堯則之毛詩曰維此文王

小心翼翼昭事上帝聿懷多福鄭箋曰翼翼小心之貌

赫赫

煌煌

毛詩曰明明在下赫赫

赫在上毛萇注曰文王之德明明於下故赫赫然著於天也漢書曰孝成煌煌臨朝有光威儀之盛如珪如

穆穆

乾乾

禮記曰天子穆穆諸侯皇皇易曰君子終日乾乾夕惕若厲無咎

五德

三統

月令曰立春之日盛德在火其帝炎帝季夏盛德在土其

帝黃帝秋日盛德在金其帝少昊冬日盛德在水其  
帝顓頊漢書曰三統者天施地化人事之紀也

步驟

質文

白虎通曰三皇步五帝驟三王馳五霸騫

大戴禮曰質文再而變正朔三而改

三綱一統

論語曰周因於殷禮所損益可知也注  
曰所因謂三綱五常也下詳前叙

青丘

丹浦

牧野

阪泉

軒營

周陣

並詳武功

鳳墟

鮪水

上詳帝德  
下詳武功

舜戚

軒弧

皇甫謐帝王世  
紀曰有苗民負

固不服舜乃修文教三年執干戚而舞之有苗請服  
易曰神農氏沒黃帝堯舜氏作弦木為弧剡木為矢弧

矢之利以威天下  
蓋取諸睽

親耕

躬稼

上詳帝治  
禹稷躬稼而有天下  
論語曰

抵壁

藏金

張衡東京賦曰抵壁於谷陸賈新語曰  
舜藏金於蘄嵒之山以杜淫邪之欲也

堯厨

舜甑

上詳祥瑞 韓詩外傳曰昔舜甑盆無羶而工不以巧獲罪

枯柱

土階

並詳 儉德

二八

四七

上詳用賢 漢紀曰儒生彊華自關中奉赤伏符來

曰劉秀發兵捕不道四方雲集龍鬬野四七之際火為主

握髮

吐哺

上詳勤勞 班彪王

命論曰高祖誠信好謀遠於

虞韶

夏籥

論語曰子在齊聞韶

聽受當食吐哺納子房之謀

三月不知肉味 呂覽曰禹立

犧瑟

媯笙

並詳 制作

命臯陶作夏籥九成以昭其功

漢筑

虞琴

史記曰高祖還歸過沛置酒沛宮召故人父老子弟飲發沛中兒得百二十人教之

歌酒酣高祖擊筑自為歌詩 下詳制作

經綸

覆露

易曰雲雷屯君子下詳總

載

亭毒

財成

老子曰亭之毒之蓋之覆之王弼注曰亭謂品其形毒謂成其質

易曰

天地交泰后以財成天

陰樾

推溝

淮南子曰武王

地之道輔相天地之宜

鹽鐵論

曰禹稷自布

泣辜

而天地懷之感於恩也

衣思天下有不得所者若已推而納之溝中

泣辜

泣辜

扇暘

劉向說苑曰禹出見罪人

神輸

人贊

上詳

一范蔚宗後漢書光武贊曰靈慶

貢雉

獻葵

史記

既啓人謀咸贊明明廟謨赴赴雄斷

展義

觀風

左傳

曰周成王時越裳貢白雉尚書曰

展義

觀風

左傳

西旅獻葵注云西戎遠國貢大犬

展義

觀風

左傳

曰天子非展義不巡狩禮

周轍

夏迹

左傳曰楚

記曰命太史陳詩以觀民風

周轍

夏迹

右尹子革

曰昔穆王欲肆其心周行天下將必有車轍馬迹祭公

謀父作祈招之詩以止王心是以獲沒於祗宮又曰

莊莊禹迹

舜旌

堯鼓

上詳

總載一

鄧子

夏磬

夏磬

畫為九州

舜旌

堯鼓

上詳

總載一

鄧子

夏磬

夏磬

周韜

上詳帝治司過之士武王有戒慎之韜猶恐不知已過

呂氏春秋曰舜有誹謗之木湯有

獻櫻

薦黍

漢書曰惠帝常出遊離宮叔孫通曰古者春嘗果方今櫻桃熟可獻願陛下出

取櫻桃獻宗廟上許之諸果獻由此興也

禮記曰仲夏之月農乃登黍乃以雛嘗黍羞以含桃先薦寢廟

足履已

手握襪

上詳帝誕下詳奇表

得玉歷

佩寶文

上詳

符命

河圖曰禹既治水功大天帝以寶文大字賜禹佩渡北海弱水之難

醴泉出

祥

鳳至

並詳祥瑞

玉龜識

石馬圖

上詳祥瑞下詳符命

紀鳳鳥

舞神魚

並詳祥瑞

御二龍

駕六鳳

括地圖曰禹誅防風夏德盛二龍降之禹

使范氏御之以行

春秋命歷序曰辰放六頭四乳在位二百五十年離光次之號曰皇談銳頭日角駕六鳳

皇出地衡在位

五百六十年

作舟車為耒耨

班固東都賦曰作舟車造器械斯乃

軒轅之所以開帝功也

易曰庖犧氏沒神農氏作斲木為耒耨之利以教天下

建皇

極合天中

尚書洪範曰建用皇極孔安國注曰皇大也極中也凡立事當用大中之道春秋

運斗樞曰處犧女媧神農是三皇皇者中也弘也合天

履中開陰布網止合皇極其施光明煌煌盛美不可勝

量

含乾元

體太一

桓譚新論曰夫王道之主其德能載包含以統乾元也下詳

總載

法三才

咸一德

淮南子曰帝王者體太一以法三才尚書曰惟尹躬暨

湯咸有

皇侔天

帝合地

並詳總載一

禹孜孜

湯栗

一德

栗

尚書曰禹曰予思日孜孜又曰湯既黜夏命復歸於亳作湯誓曰栗栗危懼若將隕於深淵

推

五勝 改三正

漢書曰秦兼天下未遑暇也亦頗推五勝五行相勝秦以周為火水以勝之

大戴禮曰正

禹菲食

湯布衣

上詳儉德尸子曰湯之救旱也素車白

翔三而改

馬布衣身嬰白茅以身為

堯羹藜

舜飯糗

上詳儉德孟

牲當此時歌舞者禁之

子曰舜之飯糗茹

魏虛座

漢側席

吳書曰虞翻字仲翔著周易甚

草也若將終身焉

有大意魏文帝嘗聞翻名為設虛座以事

歌龍鱗

之後漢書曰朕思望直士側席以間

歎鴻翼

傅玄樂府雜歌詩曰鳳有翼龍有鱗君獨不興必有良臣下詳用賢

得六相

有五臣

有十亂

用三傑

拔芻牧

舉行陣

以上

並詳

作承雲

和調露

鳳集梧桐

龜出芝池

並詳

祥瑞 東戶鴈行 西鄰禴祭 子思子曰東戶季子之時

餘糧宿諸畝首 易曰東鄰殺 道上鴈行而不捨遺耕耨

曹 史記曰項王至東城乃有二十八騎追者數千人欲

渡烏江亭長艤船待謂項王曰江東雖小地方千里

衆數十萬亦足王也願大王急渡今獨臣有船漢軍至

無以渡項王笑曰籍與江東子弟八千渡江而西今無

一人還縱江東父老憐而王我我何面目見之縱彼不

言籍獨不愧於心乎 蜀志曰曹公南征劉表率將精

騎五千急追先主及於當陽之長坂先主走到夏口遣

諸葛亮自結於孫權與曹公戰於赤壁大破之焚其舟

船 周武仗鉞 漢高提劍 尚書曰武王與受戰於牧

郊左仗黃鉞右執白旄以麾 史記曰高祖擊英布時

為流矢所中病呂后迎良醫醫入高祖嫚罵之曰吾以



布衣提三尺劍取天下此非天命命乃在天雖扁鵲何益

鴻門謝羽 渚水敗尋

漢書曰羽至函谷關有兵守不得入聞沛公已屠咸陽羽大怒乃使當陽君等擊關羽遂入至戲西鴻門明日沛公從百餘騎至鴻門謝羽自陳封秦府庫還軍灞上以待大王閉關以備他盜不敢背德後漢書曰王莽遣王尋王邑將兵百萬圍昆陽光武與敢死者三千人衝其中堅遂殺王尋莽兵大敗走者相騰踐奔一百餘里會大雷風屋瓦皆飛雨下如注渚水盛溢士卒爭赴溺者萬數水為之不流

周官棧樸

殷相鹽梅

並詳用賢篇

葛天八閔

虞帝九成

呂氏春秋曰昔葛天

氏之樂三人操牛尾投足以歌八閔高誘注曰葛天氏古帝名也投足猶蹠足闕終也尚書曰簫韶九成鳳

皇來儀

軒皇夔鼓

漢帝鸞旗

皇甫謐帝王世紀曰黃帝於東海流波山得奇

獸狀似牛蒼身無角能走出入水則風雨光如日月其音如雷名曰夔黃帝殺之以其皮為鼓聞五百里史記曰黃帝號軒轅氏漢書曰文帝時有獻千里馬者詔曰鸞旗在前屬車在後吉行五十里師行三十里馬獨先馬往於是還見窘蘭池微行柏谷史記曰始皇馬與道里之費帝為微行與

武士四人俱夜出逢盜蘭池見窘武士擊殺盜漢武故事曰上嘗輕服為微行至柏谷夜投亭長不納乃宿

於逆

出軫吐珠

並詳符命

降子嬰封雍齒

史記曰漢元年

十月沛公兵先諸侯至灞上秦王子嬰降於軹道漢書曰高祖於未央宮望見諸將於沙中偶語乃先封雍

齒人人皆喜曰雍齒

貪財貨起布衣

史記曰范增說項羽曰沛

尚侯吾等無患矣

公居山東貪於財貨今入關財物無所

總萬廷旅

取其志不小急擊之勿失

下詳創業

五緯

河圖曰高皇攝正總萬廷四海歸詠理威明文德  
道化承天精西京賦曰高祖之始人也五緯相

叶以旅之

隱芒澤

徭咸陽

通鑑曰秦始皇帝嘗云東南有天子氣於是東

於東井

遊以厭之高祖即自疑亡匿於芒碭山澤巖石之間  
史記曰高祖嘗徭咸陽縱觀秦始皇帝喟然太息曰嗟

乎大丈夫當如是也

朱鴈

白麟

並詳祥瑞

芝房

瓠子

上詳祥瑞漢

書武帝東巡於海上四月還祀泰山至瓠子臨決  
命從臣將軍以下皆負薪塞河隄作瓠子之歌

盛

唐萬里

漢書曰元封五年帝南巡至於盛唐又  
曰元狩五年禪萬里注云萬里山名也

甲帳交門

漢武帝起九間神屋以琉璃珠玉明月夜  
光雜錯天下珍寶為甲帳其次為乙帳甲

帳居神乙帳上自御之漢書曰元封四年幸不  
其祠神人於交門宮若有嚮座拜者作交門之歌

歷

鳴澤

濟汾河

漢書曰武帝元封四年出北蕭關歷鹿鳴澤漢武帝秋風詞曰泛樓船兮濟

汾河橫中流兮揚素波簫鼓鳴兮發棹歌

出竹宮

生蘭殿

漢儀曰郊泰時皇帝平明出竹宮東向揖日其夕西向揖月下詳帝誕

體亞聖

慮如神

張儼默記曰漢光武體亞聖之才執文武之略聰明仁德應時而出下詳神智

仕金吾

擊銅馬

後漢書曰光烈陰后諱麗華南陽新野人也光武適新野聞后美心悅之

後至長安見執金吾車騎甚盛因歎曰仕宦當作執金吾娶妻當得陰麗華東觀漢記曰更始年立上為蕭

王擊銅馬大

殺王尋

擒張步

後漢書曰更始元年王莽遣王尋王邑將

破之乃受降

兵百萬旌旗輜車千里不絕圍昆陽城數十重光武乃與敢死者三千人從城西水上衝其中堅尋邑陣亂遂

殺王尋莽兵大潰張儼默記曰漢光武中興  
破赤眉擒張步隗囂之徒羣凶夷滅華夏肅清  
北部

西陵

魏志曰太祖武帝二十舉孝廉為郎除洛陽北  
部尉魏武帝遺令曰吾嬖好妓人皆著銅雀

臺於臺上施六尺牀總帳朝脯上脯糗之屬月朔十五  
輒向帳作樂汝等時登銅雀臺望吾西陵墓田勿使有

闕

擊蛟

射雉

上詳幼智魏書曰太祖於南  
皮一日射雉獲三十六頭也

林

梅

野葛

劉義慶記曰魏武行兵失道三軍皆渴帝曰  
前有大梅林結子甘酸可以解渴士卒聞之

口皆出水乘此得以及前源張華博物志  
曰太祖習噉野葛至一尺亦得少多飲鵠酒

修渴

營洛

魏志曰黃初六年帝遂以舟師自譙修渦入淮從  
陸道達徐州築東巡臺至廣陵故城臨江觀兵

又曰黃初元年十二月帝  
初營洛陽宮戊午幸洛陽

書鞭

擊蔗

魏文帝臨渦  
賦序曰上建

安十八年至譙余兄弟從上拜墳墓遂乘馬遊觀經東園遵渦水高樹之下駐馬書鞭為臨渦賦魏文帝典論自叙曰余幼學擊劍與平虜將軍劉勲奮威劉展等共飲酒宿聞展有手臂能空手入白刃余與論劍良久謂言將軍法非也余顧嘗好之又得善術因求余對時酒酣耳熱方食竿蔗便以為杖下殿數交三擊其臂

金車

寶鼎

吳志曰初興平中吳中童謠曰黃金車斑蘭耳開閭門出天子閭門吳西郭門

夫差所生也

下詳祥瑞

都武昌

遷建業

並詳遷都

持鞍緩鞚

受箭迴船

虞溥江表傳曰孫權征合肥為張遼所襲乘駿馬上津橋南已見撒谷利在馬後使權持

鞍緩鞚著鞭遂得起渡

魚豢魏略曰孫權乘大船來觀軍曹公使弓弩亂發箭著其船船偏重將覆權因迴

船以輕面受箭

箭均船平而去

大口方頤

長上短下

上詳奇表漢獻帝春秋

曰張遼問吳降人曰紫髯將軍  
長上短下是誰答曰是孫會稽

結吳

屑漢

蜀志曰先主遣

諸葛亮自結於孫權華陽國志曰漢末雄  
傑並起先主名微衆鮮建元屑漢與之鼎峙

棄妻子

失七箸

蜀志曰曹公遣精騎追及先主於當陽之長  
坂先主棄妻子與數十騎而走又曰曹公

從容謂先主曰天下英雄唯操與使君耳  
素本初之徒不足數也先主方食失七箸

翦芳蘭

乘羽葆

蜀志曰先主將誅張裕諸葛亮請罪先  
主曰芳蘭當門不得修剪下詳幼智

有奇

節與大謀

干寶搜神記曰高祖宣皇帝少有奇節聰  
明多大略又曰宣帝遷太子中庶子每

大謀畫策多善由  
是為太子所信重

討公孫

迎魏帝

臧榮緒晉書遼  
東太守公孫文

懿反詔宣帝討之發自京東都過魏溫詔郡守以下皆  
會幕次父老故舊燕飲累日王隱晉書曰魏帝謁高

平陵曹爽兄弟皆從高祖以爽執政不平廢之起奏事  
永寧宮悉起營兵及城中餘衆承制發武庫仗開四門  
出迎魏帝於洛  
濱奏爽罪也  
遷庶子  
封舞陽  
既建高祖遷太子

中庶子與陳羣吳質朱鑠號曰四友  
又曰天子疾篤  
帝與曹真陳羣等見於宗華殿之南堂並受顧命輔政

詔太子曰有間此三公者慎勿  
疑之明帝即位改封舞陽侯  
被南國  
終北面  
臧

緒晉書曰遼東以諸將獻捷交至乃申受前命曰躬擐  
甲胄襲行天罰埽平區域申滅吳會裨贊皇靈被於南

國  
陸士衡晉書曰文帝勢崇於三分而  
終身乎北面雖曰未暇而王業已固矣  
忠恕無過

言  
仁厚有智量  
王隱晉書曰武帝少厲高行造次於  
忠恕未嘗有過言失色於人又曰

武帝寬惠仁厚  
深密有智量  
減膳  
燒裘  
并詳  
魏禪  
吳平  
王



晉書曰咸熙二年魏元禪位於上臧榮緒晉書曰武帝問劉毅曰卿以吾可方漢何帝也對曰可方桓靈帝曰吾德雖不如古人猶克已為政又平吳會一同天下方之桓靈不亦甚乎

燧人炎帝

太昊高陽大巢少典大巢即有巢氏少典生黃帝南面

中央古帝氏連三畫同八方上出董子下詳總載一法

五行照四海法五行相生形萬殊之體日月並明明照四海命九官

利萬物命九官舜之事利萬物出禮記別優劣法陰陽上出白虎通下詳

總載一都平陽堯納大麓舜制二柄長九州上詳

韓子天皇兄弟九人天皇葵橋山長姬水並黃帝含氣化物

明德表功

上出淮南子  
下出白虎通

父天母地

兄日姊月

並禮記

牢籠天地

彈壓山川

申洩四時

經緯六合

並淮南

南子增華祝

嵩呼

莊子曰堯觀於華華封人請祝聖人使聖人壽堯曰辭使聖人富堯

曰辭使聖人多男子堯曰辭紀武帝登嵩山聞呼萬歲者三

漢

崖公

震旦

唐語林教

坊記曰樂人呼天子為崖公旦

玉

帝暉

宸歷

顏延年曲

谿編事曰南朝稱天子為震旦

水詩序云帝暉臨幄百司定列

沈

握符

膺籙

孝經

約彈王源文云宸歷御寓弘華憲典

鉤命訣曰受命握符出也

東

三極

四維

宋永元詔曰位

京賦曰膺籙受圖順天行誅

御三極風澄萬寓

董子

坤珍

神器

東都賦曰握乾符闡坤珍

曰禮義廉恥國之四維

簡文大法頌序曰  
神器有歸鼎運斯集

鳳歷

龍圖

梁武帝紀曰御  
鳳歷握龍圖

張天

駕日

孔稚珪文張天  
造歷駕日登皇

統天

御寓

廣弘明集  
曰三皇統

天五帝

玉鏡

金椎

尚書帝命驗期云桀失玉鏡注  
玉鏡謂清明之道也 孝經援

御寓

修策

長羅

文中子修策  
通馭長羅遠

神契云后偷任威失其金  
推注金椎言國之寶也

駕

紫宸

赤縣

梁王僧辯表紫宸  
曠位赤縣無主

璿璣

鼎玉

在書

璿璣玉衡以齊七政  
陳璽書欽若唐虞推其鼎玉

飛龍

逐鹿

易曰飛龍  
在天利見

大人

史記秦失

乾龍

晉馬

易乾卦取象於龍  
晉元帝紀童謡曰五

其鹿天下共逐之

馬浮渡江一馬化為龍是歲

鳳翔

虎變

張平子東  
都賦龍飛

五王獲濟元帝竟登大位

白水鳳翔參墟

文選應吉甫

瑞符玉冊

後漢荀

華林集詩位以龍

飛文以虎變

或傳天

降嘉瑞地出吉符

晉元帝紀永嘉初有玉冊見

星

於長安白玉麒麟璽出於江陵其文曰長壽萬年

拱雲從

俱宋洪邁

舜抱

堯襟

王勃乾元殿頌曰環四瀛於舜抱樓

十景於

汜水

軒丘

漢高帝本紀五年即皇帝位於汜水之陽帝王世紀皇帝居

堯襟

軒轅之丘

天縱

日新

戴天

擊壤

黃屋

白水

丹丘

後漢書光武稱白水真人

春秋感

懷鷄

吞

蝗

唐紀太宗得佳鷄自臂之見魏徵來匿懷中徵奏事不己鷄竟死焉貞觀中終南數縣蝗太宗捕數枚

曰民以穀為命汝食之寧食吾肺心遂吞之是歲蝗竟不為害

正乾綱

凝鼎命

陳忠

傳明王巖天元之尊正乾剛之位  
易鼎卦君子以正位凝命

位天德 總朕師 飛

龍在天乃位乎天德 書舜

坐玉牀 握金鏡 鄭康

命禹曰汝惟不怠總朕師

恢聖緒 統宸極 漢安

玉牀處天子之位也 張說

居正陽 維新命 王褒

乾符頌曰握金鏡步玉斗 張說

昔我光武受命中興恢弘聖

緒 唐安帝傳統臨宸極

者居正陽之位 詩 邁時康 不世出 唐新羅傳真

周雖舊邦其命維新

曰巨唐開洪業巍巍皇猷昌深仁誥日月撫 三尺劍 德秀織錦頌

運邁時康 唐太宗贊至治之君不世出

三尺劍

一戎衣

史記漢高祖曰吾以布衣提三尺劍取天下

中庸武王纘太王王季大王之緒一戎衣

而有天下杜甫詩曰風

膺天統 陟帝位 班固典引

塵三尺劍社稷一戎衣

膺當天之正統受克遜之歸運

舜典

陳玉帛

越

梯航

禹會諸侯於塗山執玉帛者萬國文選梯山航海踰沙越幕之貢

千秋亭

陳

橋驛

漢光武即位於千秋亭宋太祖受命陳橋驛

赤帝子

香孩兒

上詳符命

宋史太祖生於夾馬營赤光滿室異香不散時人謂之香狹兒

握機創歷

誕命

造家

王元長詩序

緯地經天

左日右月

庾黔婁文經天緯地之德左日

右月之明

聲寓宇宙

勢壓山河

孔稚珪文

天地更築

日

月再張

孔稚珪文

繩準陰陽

懸持日月

上出文中子下出北齊魏收

武成詔

規矩乾坤

輔相天地

上出晉傳下出文中子

斟元陳

樞 結繩刻木

春秋保乾圖曰天皇於是斟元陳樞言斟酌元化陳列樞機之行也 真源賦

曰人皇氏兄弟九人結繩刻木

鍊石補天

斷鼇立極

淮南子女媧氏鍊五色石

以補蒼天斷鼇足以立四極

闡極則天

開元創物

齊告天文

本仁

祖義

抱表寢繩

漢武帝詔曰本仁祖義褒德錄賢五帝三王所由昌也

文中子曰戴圓履方抱表寢繩內

道綱德網

學耨禮耕

晉什道恒釋駁論曰

能理身外得人心

振道綱以維六合布德網以羅羣儁

禮運曰人情者帝王之田也修禮以耕之陳義以種之講學以耨之

一陰一陽

乃文乃武

恩加草樹

道被翔行

王勃

九成宮頌

體元居正

握鏡臨宸

春秋隱元年凡人君即位欲其體元居正 齊

建武紀曰皇齊受  
終建極握鏡臨宸

握符闡珍

系統接緒

東都賦曰聖皇握乾

符闡坤珍又曰  
系唐統接漢緒

海嶽呈華

風雷寫慶

王勃九成宮頌

謳歌歸舜 符命興唐

孟子謳歌者不謳歌堯之子而謳歌舜唐華誥傳董景珍曰

吾聞帝王之  
興必有符命

滋萌元氣

開闢太初

崔融啓母廟碑曰滋萌元氣開

闢太初此乃天皇氏  
之所以應乎天也

朝登五帝

夕宿三皇

杜甫太清宮賦

孕虞育夏

甄殷朝周

班固典引

赤伏帝子

白水真

人俱光  
武事

為民父母

受命天人

漢貢禹傳曰王者受命為民父母柳正

符論曰澤久而愈深仁增而益高人之戴  
唐永永無窮是知受命不於其天於其人

聖膺天啓



位以德興

李百藥封建論陛下握乾御天膺期啓聖乾卦飛龍在天利見大人註位以德興

德以位叙

得位得祿

作君作師

中庸舜大德必得其位必得其祿書太誓曰

天佑下民作之君作之師

天地交泰

雷雨作解

易泰卦曰天地交泰解卦曰

雷雨作解

應天順人

創業垂統

高力士傳曰明皇幸蜀聞太子即位喜曰吾兒

應天順人

唐舊禮志曰高祖撫運應期創業垂統

神武應期

天人叶順

劉

元海載記曰漢高祖神武應期飛非惟信順叶乎天人實賴長江萬里畫而守之耳

孫綽傳曰中宗龍

統和天人

願為臣妾

柳宗元賀即位表負宸而會朝夷夏踐祚而統和天人晉紀

劉琨等勸進曰聲教所加願為臣妾

無為之德

不宰之功

唐順宗尊號文

號渙萬里 色授六服

宋奏議曾鞏曰人主之尊意諭色授而六服震動言傳號渙而

萬里奔走

誕敷文德

載纘武功

書經曰帝乃誕敷文德詩經曰二之日其同

載纘武功

堯舜擁篲

禹湯扶輪

李嶠賀堯表

廟社鼎安

寰區泰定

宋陳耆卿賀登極表

範圍元化

黼藻太平

宋陸游明堂表

欽翼小心

昇平大業

上總天維

旁握河紀

俱隋

盧思道賀甘露表

駕馭風雲

馳驅龍虎

梁庾信賀平鄴表

德奉

三無功安九有

宋儒表三無謂天日月無私照也

九有謂九州也

巽風發越

兌澤滂沱

唐李嶠元日朝賀表

歷數承堯

謳

歌歸禹

宋陳耆卿賀登極表

有道之長

無思不服

宋李劉表

治

民祗懼

受命溥將

李劉表

光紹燕謀

丕膺鴻業

宋鄭

厚賀改元表

天開睿哲

神授英奇

河海晏清

璣衡

明潤

俱出翰苑新書

投弓縱馬

束衽正冠

曾鞏文曰西北戎投弓縱馬

相與袪服而戲豫東南之夷正冠束衽相與捧策而吟誦

大德時來

多能天縱

宋人賀耕藉表

法約三章

舞揚七德

史記沛公入關與秦民約法三章餘悉除

秦苛法唐書秦王破軍之樂名七德舞

帝自有真

聖不世出

漢光武贊曰帝

王之興自有真也唐太宗贊曰至治之君不世出

德合乾行

心通義畫

明何

洛文敬  
一亭頌

澤暢九垓

德流六幕

明舒弘志聖  
德重農頌

虎變

龍飛

鳳儀獸舞

明陳于陸慶成宴致語虎變龍飛續  
宗社無疆之福鳳儀獸舞行邦家有

道之

瞻雲就日

際天蟠地

堯本紀曰帝之君也其  
仁如天其智如神就之

長如日望之如雲  
上際乎天而下蟠乎地  
性理曰

蕩乎無名

建其有極

宋陸

游賀會  
慶節表

煦嫗萬物

照蘓九圍

馮道上周太  
祖尊號頌

膺萬

國之珍

接千歲之統

東都賦受四海之圖籍膺萬國  
之貢珍漢司馬相如傳今天

子接千  
歲之統

受四海之圖籍

拜萬國之衣冠

東都賦天  
子受四海

之圖籍  
唐詩萬  
國衣冠拜冕旒

張皇綱以羅遠

飛仁風而被物

晉書 協天載以無聲 恢帝猷而有截

馮道上周太祖尊號表

昭鴻名而日揭 肅龍衛以天臨

宋李劉賀御殿表

歷五帝

之寥廓 涉三皇之登闕

出文選註曰登高也闕大也

冠五行之

秀氣 邁三代之英風

李康運命論

風來南面之薰星

拱北辰之所 多聞將求建事 大亨所以養賢 天

地節而四時成 陰陽和而萬物得 四七之際火為

主 一千之歲聖當興

後漢書疆華奉赤伏符曰劉秀發兵捕不道四七之際火為主

春秋感應圖云黃河千年一清丹丘千年一焚則聖人當出

拯頽綱以繼三五

鼓芳風以扇遊塵

范甯穀梁傳序

握天鏡而授河圖

執玉

衡而運乾象

徐陵文

張寶圖以光帝載

懸玉鏡以徹

靈襟

唐元和類表

御風雷七曜於上

用山川六府於下

王勃九成宮頌

若元氣之運四時

如太陽之御六合

翰苑新書

銅渾昭乾健之規

玉燭朗陽舒之景

馮道上周太祖尊號表

凝旒而天啓其門

服袞而日升於觀

李嶠元日朝賀表

三階正而六氣調

萬寓清而百蠻服

李嶠賀尊號表

漢承

堯而傳歸於子

舜授禹而允執厥中

翰苑新書

發育萬

物而顯諸仁 包舉六氣而藏諸用

王勃文

炎帝分八

節以始農功 軒轅紀三綱而闡書契

出晉律歷志

中國

之有至人無思不服 王者之大一統咸與維新

翰苑新書

懷恩慕化之黨候雨占風 疇德瑞聖之符非烟若

霧

李嶠賀尊號表

天啓昌期御蘿圖而出震 人瞻粹表負

黼宸以當陽

翰苑新書

御六龍而乘乾君臨大寶 斂五

福而作解慶洽寰區

翰苑新書

詠時和於帝壤動植咸歡

歌道泰於華封昆蟲自樂 紫宮密運敷造化於靈

襟黃屋神凝創經綸於寶思俱王勃文丹書碧篆神符

煥河洛之文玉斗珠衡天骨挺皇王之表王勃九成宮頌

權輿象緯削茅社而建瓊桃草昧風雲席蘿圖而創

璿歷王勃文鋪帝容而建皇極大寶重光撫乾軸而

正坤維洪鑪再造李嶠賀尊號表聖人作而萬物覩共堅愛

戴之心元首明而庶事康行迪太和之治翰苑新書

帝王總載四

原天號帝者天號天靈天皇之號尊無二上土無二王作



民父母 為天下主 惟辟玉食 惟皇作極 君天

下 養天下 純而王 駁而霸

荀子曰粹而王駁而霸無一焉而王

仁義所生為王 仁義合者稱王

白虎通曰德合天地者稱帝仁義合者稱

王別優劣也

三王善因時 五帝任仁義 三王任智勇

王者得三才 立天子以為天下立君以為國

呂氏春秋

曰為天下長慮莫如置天子也為一國長慮莫如置君也置君非以阿君也置天子非以阿天子也德衰世亂然後天子利天下國君利國

功德純者稱帝 德令全者稱王

南面而聽天下

三者尊位所在

增龍德

居體

知臨 崇高 大寶 大君

易經

王言

福威

書經

嗣

服 定命 國步 執競

綴旒

詩經為下國綴旒言為天子而為諸侯所

係屬 重華

書舜典曰重華協於帝

丕子

書是有丕子之責於天言元子也

丕后

書嗣先宅丕后言大君也

明辟

書朕復子明辟

伯林

楚辭言長君即長子

縣官

前漢

書註曰縣官天子也

鉅公

出前漢郊祀志張晏曰天子為天下父故曰鉅公

穆清

文選注天

子有美德而化清

神器

儲精

文選儲精垂恩

勵精

帝輝

執契

文選執信也明君執契以任之

淵穆

睿想

宸威

重暉

六朝詩百辟仰

重暉 肖天

范祖禹曰人之子未有不肖其親者麟之子不問知其為肉角鳳之子不問知其為九苞

天子者天之子也

末光 漢書依日月之末光有餘寵也

湛恩 湛者深也

皇儀 帝容

東都賦究皇儀而展帝容

渥惠 蒙聖皇之渥惠

天儀 後漢書儀

顏

寶業

家臻寶業天子位也

鳳宸

光武贊鳳宸臨花煖謂帝座也

藻衛

衛藻

天子儀仗

宸盼

宸盼俯凝視也

靈貺

靈貺自甄謂神靈賜福祚而自成也

法

從

漢書天子駕曰法從

辰居

辰居如星拱辰言有德也

帝絃

廓帝絃恢皇網開五三之紀網

神主

書經伴作神主

天德

易乃位天德

革命

湯武革命

體元

左傳注人君即

位欲其體元而居正

正始

路溫舒傳陛下初登至尊與天命符宜正始受命之統

正統

褒王

頌春秋法五始之統在乎審己正統而已

乾顧

文選昭王碑曰仰膺乾顧

茂緒

楊緒事誅

日光昭

衍圻

文選辨亡論曰化

拱揖

文選辨亡論曰拱揖羣后

茂緒

注謂拱手以揖

諸侯言無事也

醲化

辨亡論醲化懿

經民

其體亡論

經民之具足

長規

辨亡論先王達經國之

宏覆

文選

武文丕大

乾景

文選齊景后策文乾

長御

文選五

德以宏覆

安瀾

文選講德論天下

淳流

同上觀大

論曰見綏

世之長御

安瀾比屋可封

淳流

同上觀大

佩文

同上冠道德履純

淑清

同上海內樂

鴻均

同上

鴻均之出

中雅

同上步中雅

參神

七啓元化參

何物不樂

頌駢合韶護

前旒

文選答客難曰冕

覆盂

同上連四海之外以為

而前旒所以蔽明

帶安如覆盂注天下無

事安如覆  
孟之下

景俗

文選王元長曲水  
序設神理以景俗

天矚

同上行度  
動於天矚

濡化

典引被風濡化  
者京師沉潛

辨章

典引惇睦辨章之化  
洽注辨析章服也

昭登

典引昭登之績匪堯不  
興注昭明也登成也

文軫

文選素太尉從駕  
詩文軫接桂海

三正

文選張子房詩  
神武睦三正

陽澤

謝靈運應詔詩皇心  
美陽澤萬物咸光昭

倫化

謝靈運從宋文拜陵廟  
詩已見倫化萌倫大也

光宅

七命記  
天光宅

載韃

七命

皇風

義繩

七命義  
皇之繩

體元

東都賦體元立  
制繼天而作

景鑠

東都

載韃

賦鋪鴻藻

馨業

西京賦馨  
業彌茂

茂世

羽獵賦豐  
茂世之規

天關

中景鑠

長楊賦順斗

長世

景福殿賦闡  
長世之善經

荃宰

文選宣德皇  
后令讓中書

極運天關

令表曰筌宰有寄  
注君臣有所寄託

神寶

范詩宗皇后紀論曰  
陵夷大運淪亡神寶

測恩

文選華林集詩曰測  
恩踰逸注測深也

滂流

同上元  
澤滂流

沉恩

文選以沉  
恩之未廣

懼教化  
之未厲

汪濊

難蜀父老文  
曰湛恩汪濊

恩隱

赭白馬賦曰恩  
隱周渥隱私也

灑澤

顏延年曲  
水詩序

天獎

任彦升答七夕詩啓曰牽  
率庸陋式酬天獎獎恩也

恩

紀

文選潘安仁雜體  
詩恩紀被微身

溫渥

顏延年詩曰溫渥  
與隸和穗屬後寤

寤

靈

司契

魏都賦啓天心而寤  
靈注寤先靈也

舉玉趾

禮記

疇四海

荀子曰至賢疇  
四海湯武是也

闕皇闕

六朝詩明明闕  
皇闕謂開君門

賢以待

在德元

呂誥其惟王  
位在德元

承天心

谷永傳明王即  
位正五事建大

中承

乘時龍

易經曰時乘六龍以御天光武紀道士西門君惠李守等云劉秀當為天子王

者承命信有符乎不然何以能乘時龍而御天哉

據坤靈

西都賦據坤靈之正位

恢聖

緒

安帝紀昔我光武受命與恢洪聖緒

黃裳元吉

易經黃中色裳下飾也猶以中順之

德而居尊位為大善之吉也

赫赫業業

詩經赫赫業業有嚴天子

寵綏四方

書

如絲如綸

禮記

緯天理地

六朝文言帝王之御天下上緯天維下理地軸

執轡御馬

藝苑御四馬者執六轡御天下者正六官

盤盂儀影

藝苑夫君者儀

也儀正而影正君者盤也盤圓而水圓君者盂也盂方而水方

天行地止

言王者法天地之行

止也

應天載靈

牽秀黃帝頌曰邈矣皇軒應天載靈

盤古九變

三古歷紀曰盤

古一日黃帝四面尸子曰黃帝取已合者四人使治四方大有成功此為四面也端

如北極淮南子曰舜之在位也端如北極體堯蹈舜後漢崔實傳曰濟時拯世之術

豈必體堯蹈舜咸五登三出司馬相如難蜀父老文遐邇三五較獵賦

薰風潛暢隋志曰成湯四十二年之間薰風潛暢頌聲遐舉膺萬國珍東都賦受

四海之圖籍膺萬國之貢珍負宸踐祚柳宗元賀表云負宸而會朝夷夏踐祚而統和天人

聲明文物文選謝朓詩文物共歲蕤聲明自蔥蒨注謂衣冠禮樂也聖風雲靡

長楊勲超前古文選司馬記室箋紹天闡氏號紹天闡

繹闡開華名洪伐七命曰生必輝華名於玉牒沒則勒洪伐於金冊伐功也長



世字氓

魏都賦  
字養也

聲教

漶

張衡東  
京賦

甄陶國風

何晏  
景福

殿賦

東漸西被

北變南諧

書經東漸於海西被於流  
沙東京賦北變丁零南諧

越裳

德寓天覆

教與風翔

並張衡  
東京賦

玉策金滕

魏都  
賦窺

王策與  
金滕

文軌薄桂海

聲教燭冰天

江淹擬袁淑詩  
注桂海南極冰

天北極也

舜行猶河海

尸子曰舜之行猶河海乎千仞  
之溪滿焉螻螻之穴亦滿焉

四三皇而六五帝

景福  
殿賦

御定淵鑑類函卷四十

謹案卷四十第三十一頁前七行按巴堅舊作阿

保机 又多爾濟舊作吸里只 又前八行德

喀勒舊作迭刺 又錫蘭尼錫林舊作霞瀨益

石烈 又摩哩舊作彌里 又後一行哈陶津

汗舊作痕德莖可汗 又二行額爾欽舊作夷

离莖 又裕悅舊作于越 又六行阿固達舊

作阿骨打 又七行烏雅舒舊作烏雅束 三

十二頁前二行貝勒舊作勃極烈 又前四行


武竒邁舊作吳乞買 又前七行怯特舊作竒  
渥溫 又特穆津舊作鐵木真 又八行伊蘇  
克依舊作也速該 又博端徹爾舊作孛端察  
兒 又後二行鄂諾舊作幹難 又後三行呼  
必賚舊作忽必烈 又後四行色辰舊作薛禪今  
並改後倣此

謹案第九頁後八行而無有邪氣奸其間者刊本  
奸訛于據漢書改

第三十五頁前六行威儀之盛刊本威訛威據漢  
書改

第五十四頁後七行勲超前古刊本超訛造據文  
選改





總校官庶吉士臣張能照

校對官編修臣裴謙

謄錄舉人臣洪道濟